

四庫全書

子部

欽定四庫全書

御定淵鑑類函卷三百二十九

巧藝部六

圍碁

圍碁一

原說文曰奕圍碁也 論語曰飽食終日無所用心不  
有博奕者乎為之猶賢乎已 左傳曰太叔文子謂甯  
喜曰視君不如奕碁其何以免乎奕者舉碁不定不勝  
其耦而況置君而弗定乎 尹文子曰以智力求者喻

於奕奕進退取與攻劫放舍在我者也 增山海經曰

休與之山有石焉名曰帝臺之碁五色而文狀如鵝卵

方言曰圍碁自關東齊魯之間謂之奕 楊子法言

曰斷木為碁椀革為鞠亦皆有法焉 後漢紀曰夫奕

者之思盡於一局者也聖人之明周於天下者也苟一

局之勢未嘗盡同則天下之事豈必相襲哉 吳志曰

孫權太子和嘗言當世士人宜講脩術學校習射御以

周世務而但交遊博奕以妨事業非進取之謂 又韋

曜論曰所志不出一枰之上所務不過方罫之間 又  
曰一木之枰孰與方國之封枯碁三百孰與萬人之將  
語林曰王中郎以圍碁是坐隱支公以碁為手談  
魏王粲圍碁賦序曰清寧體道稽謨元神圍碁是也

左思賦曰顧非纍卵於疊碁焉至觀形而懷怛 顏氏  
家訓曰圍碁有手談坐隱之名頗為雅戲但令人耽憤  
廢喪實多不可常也 周書儒林傳曰譬猶碁劫相持  
爭行先後若一行非當或成彼利 杜陽雜編曰日本

國之東三萬里有集真島島上有凝霞臺臺上有手談  
池池中生玉棊子不由制度自然黑白分焉冬溫夏涼  
故謂之冷煖玉又產如楸玉狀類楸木琢之為棊局光  
潔可鑒 五代史曰治國譬之於奕知其用而置得其  
處者勝不知其用而置非其處者敗敗者臨棊注目終  
日而勞心使善奕者視焉為之易置其處則勝者所用  
敗者之棊也 宋史潘慎修云棊之道在乎恬默而取  
舍為急仁則能全義則能守禮則能變智則能兼信則

能克君子知斯五者庶幾可以言碁矣 夢書曰夢圍

碁者欲闢也 宋張擬碁經曰萬物之數從一而起局

之路三百六十有一者生數之始據其極而運四方  
也三百六十以象周天之數分為四隅以象四時外周  
七十二路以象其候局方而靜碁圓而動自古及今奕  
者無同局能用意深而存慮精以求其勝負之由則至  
所未至矣 又曰碁者以正合其勢以權制其敵故計  
定於內而勢成於外 明楊升菴集曰諺云敗碁有勝

著惜乎當局者迷耳

圍碁二

原博物志曰堯造圍碁丹朱善碁 增潛確類書曰烏

曹作賭博圍碁 劉向說苑曰晉孫息諫曰臣能累十

二碁子加九卵於上公曰危哉孫息曰有甚於此者

西京雜記曰戚夫人侍高帝於八月四日出雕房北戶

竹下圍碁 原蜀志曰魏軍次於興平假費禕節率衆

往禦光祿大夫來敏至禕許別求圍碁於時羽檄交馳

嚴駕已訖，禕與敏留意對戲，色無厭倦。敏曰：「聊試觀君耳。」君信可人，必能辦賊者。禕至，賊遂退。魏志曰：王粲觀人圍碁，局壞，粲為覆之。碁者不信，以帊蓋局，使更以他局為之用，相比校，不誤一道。又曰：桓譚、蔡邕善音，樂馮翊山子道王九真、郭凱等善碁，太祖皆與埒能。增江表傳曰：呂範討山越，還白事於孫策，從容獨與圍碁。因論軍旅。晉陶潛搜神後記曰：嵩高山北有大穴，嘗有一人誤墮其中，尋穴而行，計可十餘日，忽見草屋。



中有二人對坐圍碁局下有一杯白飲墜者告以飢渴  
碁者曰可飲此遂飲之碁者曰從此西行有天井但投  
身入井自當出若餓取井中物食墜者如言半年許乃  
出歸洛下問張華華曰此仙館大夫所飲者玉漿也所  
食者龍穴石髓也 晉書曰賈謐嘗與太子奕碁爭道  
成都王穎在坐正色曰太子國之儲君賈謐何得無禮  
山堂肆考曰晉潘茂名永嘉中入山逢二道士奕碁  
立觀久之道士顧謂曰子亦愛此否荅曰入猶蛇竇出

似雁行道士笑可其說 原晉中興書曰陶侃為荊州  
見佐史博奕戲具投之於江曰圍碁堯舜以教愚子博  
殷紂所造諸君並國器何以此為 俗說曰殷仲堪在  
都嘗往看碁諸從在瓦官寺前宅上於時袁羗與人共  
在窗下圍碁仲堪在裏問袁易義袁應荅如流圍碁不  
輟袁意傲然如有餘地殷撰辭致難每有往復 增世  
說新語補曰謝公與人圍碁俄而謝元淮上信至看書  
竟默然無言徐向局客問淮上利害荅曰小兒輩大破

賊意色舉止不異於常 又曰江僕射年少王丞相呼

與共棊王手嘗不如兩道許而欲敵道戲試以觀之江

不即下王曰君何以不行江曰恐不得爾傍有客曰此

年少戲廼不惡王徐舉手曰此年少非惟圍棊見勝

酉陽雜俎曰晉鳩摩羅什與人棊拾敵死子空處如龍

鳳形 晉起居注曰鎮東司馬顏延之坐圍棊免官

沈約宋書曰羊元保為黃門侍郎善奕棊品第三太

祖與賭郡戲勝以補宣城太守 集事淵海曰齊高帝

性寬常與直閣將軍周覆給事中褚思莊共棊累局不  
倦覆乃抑上手不許易行其宏厚如此 齊書曰陸雲  
公善奕棊嘗夜侍坐武冠觸燭火帝笑謂曰燭燒卿貂  
帝將用為侍中故以此戲之 梁書柳惔善奕棊帝每  
敕侍坐仍令定棊譜第其優劣 南史到溉傳曰梁到  
溉為侍中與武帝棊達旦或復失寢加以低睡帝詩嘲  
之曰狀如喪家狗又似懸風槌 孔帖曰龐師古泊清  
口張訓自漣水來楊行密使將羸兵千人為前鋒師古

易之方圍碁軍中不顧 文苑彙雋曰黎州圖經云有

人駕牛采樵入蒙泰山見二老人奕碁其人擊牛坐斧

而觀局未終老人謂曰非汝久留之所樵起而斧柯已

爛牛已為枯矣 唐張說虬髯客傳曰虬髯客偕一道

士與衛公李靖俱謁劉文靜時方奕碁起揖而語少焉

文靜飛書迎文皇看碁道士對奕虬髯與公旁侍焉俄

而文皇到來精采驚人道士慘然斂碁子曰此局全輸

矣 山堂肆考曰太宗時有一待詔賈元者常侍上碁

太宗饒元三子常輸一路太宗知元挾詐乃謂之曰此局汝復輸當榜汝既而滿局不生不死太宗曰汝非詐也更圍一局汝勝賜汝緋不勝當投汝於泥中既而局平不勝不負太宗曰我饒汝子今既局平是汝不勝也命左右抱投之水乃呼曰臣握中更有一子太宗大笑賜以緋衣 酉陽雜俎曰一行公本不解奕會燕公宅觀王積薪碁一局遂與之敵笑謂燕公曰此但爭先耳若念貧道四句乘除語則人人為國手 又曰上夏日

嘗與親王基貴妃立於局前觀之上數子將輸貴妃放  
康國獬子上局局子亂上大悅 酉陽雜俎續集曰東  
都龍門有一處天寶中北宗雅禪師於此處建蘭若庭  
中桐始華有異蟲聲如人吟詠禪師諦視之具體人也  
網獲一寘於紗籠中忽有數人翔集籠首若相慰狀曰  
叱叱予與青桐君奕勝獲琅玕紙十幅君出可為禮星  
子詞當為料理禪師舉籠放之 潛確類書曰王積薪  
夢青龍吐碁經九部授已其藝頓精 天中記曰翰林

基者王積薪從明皇幸蜀寓宿深溪之家但有婦姑止  
給水火纔暝闔戶積薪夜聞姑謂婦曰良宵無以為適  
與子手談可乎堂內無燭婦姑各在東西室對談已而  
姑曰子已北矣吾止勝九枰耳遲明王具禮請問出局  
盡平生之好布子未及數十姑謂婦曰是子可教以常  
勢因指示攻守殺奪揀應防拒之法其意甚略曰此已  
無敵人間矣謝而別回顧失向之室矣北夢瑣言曰  
滑能善奕忽有一小子自云張清與能對奕思甚精敏



能異而詰之曰我非世人天帝召公著碁能忽奄然

趙德麟侯鯖錄曰唐杭州缺刺史欲除李遠為守宣宗  
曰遠詩云青山不厭千杯酒白日惟消一局碁如此安  
能治民也 杜陽雜編曰大中中日本國王子來朝王

子善圍碁上敕顧師言待詔為對手至三十三下勝負  
未浚師言懼辱君命汗手凝思方敢落指謂之鎮神頭  
乃是解兩征勢也王子瞪目縮臂已伏不勝迴語鴻臚  
曰待詔第幾手耶鴻臚詭對曰第三王子掩局而吁曰

小國之一不如大國之三信矣今好事者尚有顧師言

三十三鎮神頭圖 天中記曰唐僖宗自普王即位素

不曉碁一日夢人以碁經三卷焚而使吞之及覺命待

詔觀碁凡所指畫皆出人意 又曰後主初嗣位數與

嬖妾奕碁蕭儼入見作色投局於地後主大駭曰汝欲

效魏徵耶儼曰臣非魏徵則陛下亦非太宗矣後主為

罷奕 宋葉夢得石林燕語曰太宗當天下無事留意

藝文而琴碁亦皆造極品時從臣應制賦詩皆用險韻

往往不能成篇而賜兩制棊勢亦多莫究所以故不得

已則相率上表乞免和訴不曉而已王元之嘗有詩云

分題宣險韻翻勢得仙棊蓋當時事也 明劉仲達鴻

書曰王荊公與人對奕未嘗致思其勢將敗輒以手亂

局 山堂肆考曰宋陸象山少時常坐臨安市觀棊初

未有得乃買棊局一副歸懸於室臥而仰視之忽悟曰

河圖數也 宋張端義貴耳集曰孝宗萬幾餘暇留心

棊局詔國手趙鄂供奉由是遭際官至武功大夫浙西

路鈴因郊祀乞奏補懇祈甚至聖語云降旨不妨恐外  
庭不肯放行耳 河東記曰馮舉鎮淮南有一叟謁之  
稱南山木強人能論兵及驗之乃一局碁耳 中州集  
曰金史公奕文章書翰皆有前輩風調下至碁捌之技  
亦絕人遠甚 元周達觀誠齋雜記曰齊婁逞乃東陽  
女子變服為丈夫能奕又解文義仕至揚州從事 明  
朱國禎遜國臣傳曰劉長史璟文成公次子也嘗至燕  
文皇與奕璟輒勝文皇曰卿獨不少讓我耶璟正色曰

可讓處則讓不可讓璟不敢讓也 從信錄曰宣德中

召用舊人蹇義等皆承順惟黃福持正不阿命園棊曰  
臣不會著棊問何以不會曰臣幼時父師嚴只教讀書  
不教無益之事 馬觀瀛涯勝覽曰三佛齊國俗好賭

博如把龜奕棊鬪雞皆索錢具也 王弇州四部彙曰

余少時睹鮑生一中奕不能悉其妙第見其批亢擣虛  
無衡陣耳 王穉登荆溪疏曰計入荆溪之日坐舟中

看萬子寅與吳幼元奕子寅寬然長者他喜怒不少見

顏色惟奕顧獨使氣每楚風不競輒提局擲子迸散如走盤幼元愈捧腹謔之其氣愈盛甚者自搏頰俄復手談津津忘之矣

### 圍碁三

原賭墅

爭道

苻堅入寇衆號百萬京師震懼謝元入見安安夷然不懼曰已別有旨元不敢

言乃令張元重請安遂出遊小墅與元碁賭墅安常劣於元是日元懼便為敵手而又不勝安矯情鎮物如此

王導與其子說奕碁爭道導

忘憂致志

祖誦字士言好

笑曰與爾似有瓜葛那得為爾

奕碁王隱謂之曰禹惜寸陰不聞奕碁納曰以忘憂也孟子奕秋通國之善奕使秋誨二人奕其一人專心

致志惟秋是聽一人雖聽之一心以為有鴻鵠將至思援弓繳而射之雖與俱學弗若之矣

爛柯

投局

晉書曰王質入山斫木見二童圍碁坐觀之及起斧柯已爛矣宋書曰謝宏微性無愠色未

年與人圍碁西南有碁死旁有人曰南風急或覆舟人悟救之大怒投碁於地識者知其暮年

言陣

見智

曹子建喻兄作圍碁言陣如此淮南子曰行一碁不足以見智彈一弦不足以見悲

無益

有禁

吳韋曜字宏嗣為太子中庶子時蔡邕論在東宮性好博奕太子以為無益命曜論

之管子五政

增九品

十要

天中記曰夫圍碁之品有九一曰入神二

禁博奕其一也

曰坐照三曰具體四曰通幽五曰用智六曰小巧七曰

鬪力八曰若愚九曰守拙九品之外今不復云宋史

潘慎修傳曰慎修字成德善奕碁太宗屢召對奕

問

因作碁說以獻舉十要以明其義太宗覽而稱善

易

賭詩

上見國碁二碁薛昂門下與馬

合辟事類曰荆公在鍾山下

善詩荆公為代作今集中所謂薛秀才者是也薛既宦

達出知金陵或嘲以詩曰好笑當年薛乞兒荆公坐上

兩奩

幾

局

王安石碁詩曰戰罷兩奩收黑

運智

通神

石介觀碁

詩曰運智奇復詐

宋姚亮西溪叢話曰蔡州褒信縣有碁師閔秀才說嘗有道人善碁凡對局率饒人一先

道人有詩云爛柯真設妙通神一局曾經幾

聞聲

對面

白居易碁詩曰映竹無人見時聞下子聲

守默

杜荀鶴碁詩對面不相見用心如用兵

藏機

高輦詩曰不言如守默設計似平讐

閑爭

陳元興詩曰對面心千里藏機勢萬般



靜算

程伯淳碁詩曰却凭文楸還自笑雄如劉項亦開爭 歐陽炯碁詩曰靜算山川千里近

玉局

石枰

洪玉父碁詩曰敢言白玉局聊取紫羅囊柳宗元記曰仙奕山始登者得石枰於

上黑肌而赤脈十有八道可奕

龍牙

馬鬣

孔帖曰取蛻龍牙一枚臨局自然機變橫出

文苑彙雋曰王積薪每出必畫紙為局與碁子并盛竹筒中繫馬驕間

鬪碁

飛碁

南齊

書蕭惠基傳曰當時能碁人琅邪王抗第一品吳郡褚思莊會稽夏赤松並第二品赤松思速善於大行思莊

戲遲巧

於鬪碁

又虞愿傳曰明帝好碁碁甚拙去格

七八道物議共欺為第三品與第一品王抗圍碁依品

賭戲

抗每饒借之曰皇帝飛碁臣

抗不能斷帝終不覺好之愈篤

推枰

亂局

山堂

肆考

推枰斂手曰陛下聖明神武國富兵強吳之荒淫驕虐

曰昔武帝與中書令張華圍碁杜預表適至言伐吳華

推枰斂手曰陛下聖明神武國富兵強吳之荒淫驕虐

宜亟討之

記纂淵海曰石晉陳保性極鄙吝每與人奕棊敗則手亂棊局懼所賭金錢不欲償也

奏

論

制律

吳志曰孫權太子和以博奕妨事費日無益於用命侍坐者八人各著論以矯之於是中

庶子韋曜退而奏論

和以示賓客

列朝詩集本傳曰

王思任有雋才居官通脫自放好以詼諧為文倣法律

王思任有雋才居官通脫自放好以詼諧為文倣法律

製奕律枚臯郭

守分

惜名

天中記曰宜春王李從

舍人之流也

苑中與宰相奕棊令從謙賦觀棊詩曰竹林二君子盡

日意沈吟相對雖無語爭先各有心恃強知易失守分

固難侵若算機籌處滄溟想未深又曰韋延祐圍棊

與李士秀敵手秀惜其名不肯先寧輸延祐籌終饒兩

路

虛心

適性

山堂肆考曰丁晉公好釋老又酷嗜奕棊中堂退食對局以夜繼日一日

問李旼虛心之法對曰請侍中弼諧之外勿以棊子役

心虛已半矣公曰如子之言何止於棊凡有所著即不

虛矣又曰王荊公慕品殊下與人對局未嘗致思隨手疾應覺其勢將敗便斂之曰本圖適性忘慮反苦思勞神不如且已

**避惑**

**忘志**

湘山野錄曰太宗喜奕慕諫臣有乞編竄慕待詔賈元於南州

者且言元每進新圖妙勢悅惑明主恐坐馳睿襟神氣鬱滯上謂言者曰朕非不知聊避六宮之惑耳世說

新語補曰李納性褊急酷尚奕慕每下子安詳極於寬緩有時躁怒家人輩則密以慕具陳於前納觀便欣然改容取子布

**三派**

**十設**

明馮元仲奕旦評曰永嘉派則有鮑一中李沖周源

徐希聖若而人為之冠新安派則有汪曙程汝亮方子謙若而人為之冠京師派則有顏倫善李釜若而人為之冠又劉仲達鴻書曰圍慕十設一不得貪勝二入界宜緩三攻彼顧我四棄子爭先五舍小就大六逢危須棄七慎勿輕速八動須相應九彼強自保十勢孤取和

**方罫**

**側楸**

列朝詩集本傳曰盛

鳴世字太古善奕碁每借方罫以翫世  
馮鑑續事始齊武陵王作側楸碁局

數天星觀

乾象

孔帖曰人能盡數天星則知碁勢  
興慈記曰聖祖賜劉誠意一金瓜曰擊門樵有急

明王文祿龍

則擊之一夕夜將半擊宮門乃洞開重門迎之曰何也  
曰睡不安思聖上奕碁耳命碁對奕俄頃報太倉災命  
駕往救劉止之曰且奕請先遣一內使充乘輿往遂如  
言回則內使已斃車中聖祖驚曰何知以救朕厄曰觀  
乾象有變特  
來奏聞耳

鬪白黑

象陰陽

韓愈詩曰圍碁鬪白  
黑宋張擬碁經曰

黑白相半  
以法陰陽

說佛法

禪聖教

漁隱叢話曰僧寶傳云  
浮山法遠禪師歐公造

其堂以與客碁遠坐其旁歐公收局請因碁說法乃鳴  
鼓升坐曰若論此事如兩家著碁相似敵手知音當機  
不讓若是縱五饒三入通一路始得有一般底祇解閉  
門作活不解奪角衝閤硬節與虎口齊張局破後徒勞

連幹所以道肥邊易得瘦腹難求思行則往往失粘心  
麓則時時頭掉休誇國手漫說神仙贏局輸籌即不問  
且道黑白未分時一著落在什麼處良久云從前十九  
路迷誤幾多人歐公嘉歎久之西京雜記曰杜陵杜

夫子善奕碁為天下第一人或譏其費

輸三物消

日夫子曰精其理者足以有裨聖教

兩輪山堂肆考曰宋楊大年與西廳參政侍郎奕碁子  
輸紙筆硯三物以詩見徵屬宣毫適盡但送蜀牋

端硯歐陽炯碁詩

金面盤檀心子

孔帖曰蘇尚書八十猶參

曰閤消日月兩輪空

禪大滿訪之以手拍碎金面碁盤尚書尋悟之  
又曰關城中貴家以紫檀心瑞龍腦為碁子

白鸚

鸚墨狻猊

天中記曰韓偓姚洎俱為翰林學士從昭宗幸岐偓每與兩使救令碁兩使不勝洎

即以手壞之偓呼為白鸚鵡若洎不在兩使將輸必大呼曰白鸚鵡洎應聲至記纂淵海曰徐峰善碁段成

式欲窮其術峰曰子若以墨  
後猊與我當使子過我十倍

焚魚脂

刻龍腦

梁任昉述

異記曰昔楊氏家婦溺死化為魚其脂膏可焚燈燭以  
之照鳴琴博奕則爛然有光及照紡績則不復明焉

下見檀  
心子注

宜檐雨

對秋燈

唐杜牧之詩曰玉子文楸一路饒最宜檐雨雨瀟瀟

又山谷詩曰覆圖  
聞夜雨下子對秋燈

文桑局

響玉盤

玉樓子曰堯教丹朱碁以

文桑為局犀象為子  
聲與律呂相應蓋用響玉碁盤非有異術也

孔帖曰元頤本枰碁

號碁聖

遇碁仙

抱朴子內篇曰嚴子卿馬綏明有碁聖之名唐馮贄雲仙雜記曰卞子京遇碁仙束帶

拜金鑄紫堂仙仍坐於席  
上勝克之利萬不失一

勝負心

殺活手

邵雍詩曰未去

交爭意難忘勝負心  
詩曰安危心不動殺活手難專

作碁說

疏奕問

上見

十要注 明王

四脚盤 一色子

山堂肆考曰東坡云南岳李巖老好

睡衆人食飽下碁巖老就枕閱數局乃一展轉云我始一局君幾局矣東坡曰巖老常用四脚碁盤著一色黑

子昔與邊韶對手今被陳搏饒先著時自有輸贏著了並無一物

釣空鈎 落飛電

上見蘇軾詩 黃庭堅

原南風不競 局劫亦急

王獻

之觀人奕曰南風不競人曰此即所謂管中窺豹時見一斑獻之曰近慙荀奉倩遠媿劉真長拂衣而去陳

留阮簡字茂宏為開封府令有劫賊吏白曰甚急簡方圍碁長嘯吏曰劫急簡曰局上劫亦甚急

居

喪或觀 聞喪不止

王戎居喪不拘禮制或觀博奕然容貌毀悴阮籍聞母喪方與人

碁碁者求止籍留與淩而舉哀號咷吐血數斗

失禮迷風 廢時曠日

漢賈誼云

失禮迷風圍碁是也  
下韋曜論

勢似兔宮 形如蛇穴 羸師延

敵 運計乘虛 博奕為戲 典禁尤明 增闔闢縱

橫 方圓動靜

李巖碁賦曰妙縱橫闔闢之機神出沒死生之變 唐李泌傳曰李泌召見帝

方與張說觀奕使說試其能請賦方圓動靜泌逡巡曰願聞其略說因曰方若碁局圓若碁子動若碁生靜若碁死泌即荅曰方若行義圓若用智動若騁材靜若得意說因賀帝得奇童

蛛絲蝸甲

馬目雁行

上見黃庭堅詩下見馬融賦

綴五饒三

花六持七

上見

說佛法注

下

古松流水

清簟疏簾

蘇東坡觀碁詩序云余素

見梁武帝賦

不解碁嘗獨遊廬山白鶴觀觀中人皆闔戶晝寢獨聞碁聲於古松流水間意欣然喜之自爾欲學然終不解



也杜甫詩曰清

簾疎簾看奕碁

席上談兵

邸前懸幟宋黃庭堅詩曰席上

談兵較兩碁何遜春渚紀聞曰碁待詔劉仲甫初次

錢塘忽於邸前懸一幟曰江南碁客劉仲甫奉饒天下

碁先并出銀盆酒器等三百星云

連敗數局私易

一子元蔣正子山房隨筆曰永嘉余德麟與聶碧窓奕

僕能碁欲試數著不敢聶俾對枰連敗數局余以片紙

書十字可憐道士碧不識地仙丹聶大笑曰吾固疑其

不凡記纂淵海曰呂元膺留守東都公退必手談會

有文簿公罷碁發遣見碁者易一子公明日謝客束帛

以遣籠手熟視

撚鬚徐思王安石碁詩曰熟視

金溝銅池玉壺銀臺

南史羊元保傳曰文帝好與元保碁嘗中使至元保曰今日上

何召我耶其子戎曰金溝清泚銅池搖  
颺既佳光景當得劇棊 見梁武帝賦

### 執棊手顫

爭劫神恬

宋方勻泊宅編曰朱行中秋試不利有僧曉容見之驚起曰後舉狀元也明年果薦省闈

優等惟殿試

不如意日與同舍生圍棊每拈子欲下必罵曰賊禿蓋恨容許之誤也一日有士人通謁行中

棊曰吾悁悶

中誰能見之然士人立於門下不肯去行中乃出客附耳語曰吾乃梁御藥門客特令奉報足下

卷子上已寘在魁等行中

唯唯而入執棊子手顫蓋緣榮辱交戰故不能自持也

世說補曰宋明帝賜王景

文死敕至景文方與客棊看敕訖置局下神色恬然爭劫竟斂子納奩徐言奉敕見賜以死以敕示客因舉賜

鳩曰此酒不可相

勸遂仰飲而絕

禁中引經

御前覆圖 廉宣仲揮

沈之才者以棊得幸思陵為御前祇應一日禁中與其

類對奕上喻曰切須子細之才遽曰念茲在茲上怒云

欽定四庫全書

御定淵鑑類函

七

七

技藝之徒乃遽敢對朕引經邪命內侍省打竹篋二十  
逐出南史蕭惠基傳曰宋文帝時羊元保為會稽帝  
遣諸思莊入東宮與元保戲  
因置局圖還於帝前覆之  
惠叟裴遐 忽歐劉樹

世說新語曰裴遐在周馥所與人圍碁馥司馬行酒遐  
正戲不時為飲司馬恚因曳墜地遐還坐客止如常復  
戲如故北史古弼傳曰上谷人上書言宜減上谷苑  
園大半以賜貧者弼入欲陳奏遇魏主與給事中劉樹  
碁志不聽事弼忽起捽樹頭  
毆之曰朝廷不理實爾之罪  
破碁為局 碎瓦作子

齊書曰武陵王彞少年時貧無碁局乃破碁為片縱橫  
以為碁局指點形勢遂至名品宋張世南遊宦紀聞  
曰永福徐真君嘗牧牛山椒聞樂聲出林抄綠崖造觀  
至則有二人奕拱立良久遺徐碁子一叱令歸歸即精  
解手談持碎瓦器為子布地為局後  
鍊大丹仙去埋碁子田中涌地成墩  
傍局開尊 對

奕淩事

明歸昌世和陶詩曰道侶兩三人開尊傍碁局  
山堂肆考曰富川人毛經仕為開封戶曹性

敏悟一日方與客對奕開封尹以疑獄就質令罷奕經  
曰淩事奕碁兩不相妨呼二吏讀款目視碁局耳聽所  
讀已而奕勝而處事  
偽為不勝  
常若未解

天中記  
曰李道

古便佞巧宦常以酒殽碁博遊公卿門角賭偽為不勝  
而厚償之故得一時虛名而嗜利者悉與之狎  
南史  
徐羨之傳曰羨之沈密寡言不以憂  
喜見色頗工奕碁觀戲常若未解  
拈子微笑  
鼓

局大怒

世說新語補曰蘇養直隱京口紹興間與徐師  
川同召養直不起師川造朝時便道過養直留

飲甚歡二公平日對奕徐高於蘇是日養直拈一子笑  
師川曰今日還須讓老夫下一著師川有媿色  
記纂  
淵海曰李杓直與人碁而敗乃竊  
數子嚙之及呼尋問乃鼓局大怒  
五更方淩局  
四

子率成詩

南史蕭惠基傳曰齊高帝使褚思莊與王抗交賄自食時至日暮一局始竟上倦遣還省

至五更方沒

基天洞覽曰王勃圍碁率下四

眇方

子成一詩向人曰吾才奪造化一時百用皆可

罪之參差

見曙星之磊落

焚貂冠而不知

拂龍

顏而莫悟

爭劫則鶴翔燕起

取勢則蠖屈龍舒

用智則汗手凝思

入思則開目順應

原招悔吝則

抱朴興言

勞情思則吳儲發歎

增青桐對局叱叱

而談

赤松臨枰仙乎奕

風神警亮不媿神童

名品卓高永推先輩

神遊局內俾縱橫以相生

意

在子先審虛實而遞變 攻彼顧我盡救應防拒之方  
披亢擣虛神出沒死生之變

### 圍碁四

增類兵法

新語曰世言圍碁或兵法之類上者張置疎遠多得道而勝中者務相遮絕爭便求利下

者守邊隅趨方罅

碁而不起

魏氏春秋曰孔融被誅二子碁而不起左右曰爾父見執不起

何也二子曰安有毀巢而卵不破者乎

桑下圍碁

晉于寶搜神記曰管輅至平原見顏超貌

主天亡顏父乃求輅延命輅曰子歸覓清酒鹿脯卯日刈麥地南大桑樹下有二人圍碁但酌酒置脯飲盡更斟以盡為度若問汝但拜之勿言顏依言往置脯斟酒於前其人貪戲但飲酒食脯不顧數巡北邊坐者忽見

顏叱曰何故在此顏惟拜之南邊坐者語曰適來飲他酒脯寧無情乎北坐者曰文書已定南坐者借文書看之見超壽止可十九歲乃取筆挑上語曰救汝至九十年活顏拜而同管語顏曰大助子且得增壽北邊坐人是北斗南邊坐人是南斗也

八絕

吳錄曰嚴武子卿圓碁莫與為比謂之八絕

舉碁

局下

語林曰王武子與武帝圓碁孫皓在側武子問孫歸命何以好剥人面皮皓曰見無禮於君者則剥

之武子乃舉碁局下

中興第一

晉中興書曰王恬字敬濟與濟陽江霏俱善奕碁為中興第一

齋中授書

述異記曰朱道珍嘗為孱陵令南陽劉廓為荊州參軍每與圓碁日夜相就略無暫

輟道珍以宋元徽三年六月二十六日亡至九月廓坐齋中忽見一人以書授廓云朱孱陵書也廓讀訖失信所在寢疾亦亡

獨步當時

燕書曰羅騰字叔龍工圓碁究其妙獨步當時

蒼頭秉

燭

後魏書曰甄琛舉秀才入都頗以園棊棄日通夜不止蒼頭秉燭或睡即大加責杖奴後不勝痛楚乃白

琛曰郎君辭父母仕宦京師若為讀書執燭不敢暫懈乃以園棊日夜不息豈向京師之意而肆加杖責不亦

非理乎琛惕然慙感遂從許獻李彪假書研習聞見益優

慰祖辭拙

南齊書曰崔慰祖為始安

王遙光記室遙光好棊每召慰祖對戲慰祖輒辭拙非朔望不敢見也

榼頭師

酉陽雜俎續集

曰梁有榼頭師高行神異武帝敬之常令中使召至陛奏榼頭師至帝方棊欲殺子一段應聲曰煞中使人遽出斬之帝棊罷令師入中使

至旦不輟

梁書陳慶之傳曰慶之字

子雲幼從高祖高祖性好棊每從夜至旦不輟等輩皆寐惟慶之不寢聞呼即至甚見親賞

校定

棊品

陳書曰梁武帝詔校定棊品到溉朱异以下並集陸瓊時年八歲於客前覆局由是京師號曰神童



奕勝新羅

孔帖曰唐開元新羅國王死帝命邢璣弔祭又以國人善碁詔楊季鷹為副國高奕

皆出其下

碁局都數

夢溪筆談曰唐僧一行曾算碁局都數凡若干局千變萬化皆不出此數

碁待詔

唐書曰順宗朝罷翰林陰陽星卜醫相射博碁奕諸待詔三十二人初王叔文以碁待詔

既用事乃惡其與已儕類故罷之

獻賂求退

北夢瑣言曰蜀簡州刺史安重霸黷貨無厭有

油客鄧姓者能碁其家粗贍重霸輒召對敵只令立侍每落一子俾退立於西北牖下俟我算路乃始進之終

日不下十數子鄧生倦立且飢殆不可堪次日又召或諷鄧生曰此侯本不為碁何不獻賂以求退乃獻中金

十錠

出人意表

集事淵海曰宋仁宗時有李重思善奕碁冠絕當世然形神昏憊時人謂

之李慙奕碁之外一無所曉與人對奕坐而昏睡人精思久之方下一子重恩開目隨手應之皆出人意表

名下無虛士

宋何遜春渚紀聞曰近世士大夫慕無出三衢祝不疑之右者紹聖初不疑以

計偕赴禮部試至都為里人拉至寺庭觀國手慕集劉仲甫在焉衆請不疑與仲甫就局始下三十餘子仲甫拱手曰敢請官人姓氏與鄉里衆以信州李子明長官對仲甫曰仲甫備乏翰林雖不出國門聞衢州祝不疑先輩名品高著若審其人則今日適有客集不獲終局當俟親詣行館盡藝祇應也衆以實對仲甫再三歎服曰名下無虛士也後雖數相訪竟不復以某為言蓋知不敵恐貽國手之羞也

慕隱語

冷齋夜話

曰荆公在鍾山與道士奕慕道士作數語曰彼亦不敢先此亦不敢先惟其不敢先是以無所爭故能入於不死不生公笑曰惟不能慕

山堂肆考曰宋林和靖每云世間事皆能之惟不能

擔糞與

作飯會

東坡志林曰張懷民與張昌言圍碁賭僕書字一紙勝者得此負者出錢

五百作飯會

木野狐

宋元懷拊掌錄曰葉濤好奕碁王介甫作詩切責之終不肯已奕者多廢

事率皆失業故人目碁枰以為木野狐

### 圍碁五

增詩唐盧延遜詠碁詩曰十九條平路言平又嶮巖人心無算處國手有輸時勢迴星流遠聲乾下電遲臨軒纔一局寒日又西垂釋子蘭觀碁詩曰拂局盡涓時能因長路遲點頭初得計格手待無疑寂默親遺景凝神入過思共藏多少意不語兩相知鄭谷寄碁客詩

曰松窓楸局穩相顧思皆凝幾局賭山果一先饒海僧  
覆圖聞夜雨下子對秋燈何日無羈束期君向杜陵  
張喬送綦待詔朴球歸新羅詩曰海東誰敵手歸去道  
應孤闕下傳新勢船中覆舊圖窮荒迴日月積水載寰  
區故國多年別桑田復在無 李洞陪鄭侍郎話詩著  
綦詩曰落葉濺吟身會綦雲外人海枯搜不盡天定著  
長新月上分題徧鐘殘布子勻忘餐二絕境取意鑄陶  
鈞 又宿葉公綦閣詩曰帶風綦閣竹相敲局瑩無塵

拂樹梢日到長天正未斷鐘來嶽頂劫須拋挑燈雪客  
棲寒店供茗溪僧熟廢巢因悟修身試貪教不須焚火  
向三茅元稹酬段丞與諸棊流見贈詩曰鳴局寧虛  
日閒窓任廢時琴書甘盡棄園井詎能窺運石疑填海  
爭籌憶坐帷赤心方苦鬪紅燭以先施蛇勢縈山合鴻  
聯度嶺遲堂堂排直陣滾滾逼羸師懸劫偏深猛回征  
特嶮巖旁攻百道進死戰萬般為異日元黃隊今宵黑  
白棊斫營看迴點對壘重相持善敗雖稱怯驕盈最易

欺狼牙當必碎虎口禍難移乘勝同三捷扶顛望一詞  
希因送目便敢待指蹤奇 劉禹錫觀棊歌曰長沙男

子東林師閒讀藝經工奕棊有時凝思如入定暗覆一  
局誰能知今年訪予來小桂方袍袖中貯新勢山城無  
事愁日長白晝懵懵眠匡牀因君臨局看鬪智不覺遲  
景沈西牆自從仙人遇樵子直到開元王長史前身後  
身付餘習百變千化無窮已初疑磊落曙天星次見搏  
擊三秋兵雁行布陣衆未曉虎穴得子人皆驚行盡三

湘不逢敵終日饒人損機格自言臺閣有知音悠然遠  
起西遊心高山夏木陰寂寂好處徘徊駐飛錫忽思爭  
道畫平沙獨笑無言心有適藹藹京城在九天貴遊豪  
士足華筵此時一行出人意賭取聲名不要錢 白居

易棊詩曰山僧對棊坐局上竹陰清映竹無人語時聞  
下子聲 張籍美人宮棊詩曰紅燭臺前出翠蛾海沙  
鋪局巧相和趁行移手巡收盡數數看誰得最多 杜  
牧送國棊王逢詩曰王子紋楸一路饒最宜檐雨竹蕭

蕭嬴形暗去春泉長猛勢橫來野火燒守道還如周柱

史鏐兵不羨霍嫖姚得年七十更萬日與子期於局上

銷 又曰絕藝如君天下少閒人似我世間無別後竹

窓風雪夜一燈明暗覆吳圖 杜荀鶴碁詩曰對面不

相見用心如用兵箕人常欲殺顧已自貪生得勢侵邊

遠乘危打劫嬴有時逢敵手當局到深更 宋王禹偁

送侍碁衣襖天使詩曰昔事先皇叨近侍北門西掖華

清地太宗多材復多藝萬幾餘暇翻碁勢對面千里為



第一獨飛天鷲為第二第三海底取明珠三陣堂堂皆  
御製中侍宣來示近臣天機祕密通鬼神乃知棊法同  
軍法既戒貪心又嫌怯惟宜靜勝守封疆不樂窮兵用  
戈甲 石介觀棊詩曰人皆稱善奕伊我獨不能試坐  
觀勝敗白黑何分明運智竒復詐用心險且傾嗟哉一  
枰上奚足勞經營 邵雍觀棊詩曰未去交爭意難忘  
勝負心一條元妙路徹了沒人尋 王安石贈葉致遠  
詩曰葉侯越著姓胄出實楚葉飄飄凌雲意強禦莫能

懾忘情塞上馬適志夢中蝶經綸安所施有寓聊自愜

碁經著在手碁設傳滿篋坐尋碁局打側寫碁圖貼攜  
持山林屐刺擿溝港牒一枰嘗自副當熱寧忘策縱橫  
子隋局膈膊聲出堞樵夫弛遠擔牧奴停晏饁旁觀各  
技癢切議兒女囁所矜在得喪聞此更心慄孰視籠兩  
手徐思撚長鬚微吟靜悵悵堅坐高帖帖未快巖谷叟  
斧柯掌爛浥趨遑恥局縮穿腹愁危案或撞闌以攻或  
覷眼而壓或羸行伺擊或猛出追躡垂成忽破壞中斷

俄連接終朝已疲精既夜未交睫翻然悟且歎此何宜

劫劫孟軻惡妨行陶侃懲廢業揚雄有前言韋曜存往

牒操具投諸江道耕而德獵又棊詩曰莫將戲事擾

真情且可隨緣道我羸戰罷兩奩收黑白一枰何處有

虧成蘇軾觀棊詩曰五老峰前白鶴遺址長松蔭庭

風日清美我時獨遊不逢一士誰與棊者戶外屨二不

聞人聲時聞落子紋枰坐對誰究此味空鉤意釣豈在

魴鯉小兒近道剥啄信指勝固欣然敗亦可喜優哉游

哉聊復爾耳 鄭俠觀棊詩曰三百六十路通精此有  
門數竒藏日月機發動乾坤對面知為敵渾輸却有翻  
詐貪常易喪仁守乃長存隻子如輕用全功更莫論就  
令投險勝寧抵被圍奔縱得四方盡寧同一腹尊傍觀  
饒好著當局柰嗔言慙媿中孚信幾危大壯藩坐觀成  
敗者安得不驚魂 黃庭堅棊詩曰偶無公事客休時  
席上談兵校兩棊心似蛛絲遊碧落身如蝸甲化枯枝  
湘東一目誠甘死天下中分尚可持誰謂吾徒猶愛日

參橫月落不曾知 陳造雪夜與師是棊詩曰投醪士

或醉說梅人不渴窮途餘樂事不受憂患過詩可供呻

吟棊亦識死活朝來喜雪句神樂胎可奪一枰與兒晤

斷無市聲聒既免沈舟護不作賭墅謁指冷良易忍眼

花苦為孽疏置仍作罪隨意略細閱瓜葛勝負間時亦

近屑屑策幾奇兵廬地比弱王割吾非江左管舐犢愈

愛說升沈作豐悴今古無成說家居鼓吹具藉以保晚

節掀顙得一笑為汝倒蕉葉袖手聽殘更紅麟瞋晴雪

元黃康棊聲詩曰何處仙翁愛手談時聞剥啄竹林  
間一枰子玉敲雲碎幾度午窗驚夢殘緩著應知心路  
遠急圍不放耳根閒爛柯人去收殘局寂寂空亭石几  
寒 葉顥圍棊詩曰圍棊白日靜舉袂清風吹神機衆  
未識妙著時出奇我老天宇內白雪凝鬚眉坐閱幾輸  
贏歷觀迭興衰古今豪傑輩謀略正類棊局終一大笑  
驚起山雲飛 明王履石棊局詩曰奕仙何處石枰空  
細細松陰婉婉風豈為商山難固蒂共呼風雨上飛龍

郭登棊詩曰怕死貪生錯認真運籌多少費精神看  
來總是爭閒氣笑殺旁觀袖手人 吳寬觀奕詩曰高  
樓殘雪照棊枰坐覺窓間黑白明袖手自甘終日飽苦  
心誰惜兩雄爭豪鷹欲擊形還匿怒蟻初交陣已成却  
笑面前岐路滿蘇張何事學縱橫

原賦後漢馬融圍棊賦曰略觀圍棊法於用兵三尺之  
局為戰鬪場陳聚士卒兩敵相當拙者無功貪者先亡  
先據四道保角依旁緣邊遮列往往相望離離馬目連

連雁行踔度間置徘徊中央收取死卒無使相迎當食  
不食反受其殃雜亂交錯更相度越守規不固為所唐  
突深入貪地殺亡士卒狂攘相救先後并沒計功相除  
以時早訖事留變生收拾欲疾營惑窘乏無令詐出深  
念遠慮勝乃可必 晉曹攄圍碁賊曰昔班固造奕旨  
之論馬融有圍碁之賦擬軍政以為本引兵家以為喻  
蓋宣尼之所以稱美而君子之所以遊慮也既好其事  
而壯其辭聊因翰墨述而賦焉其辭曰局則鄧林之木



魯班所造規方砥平素質玄道犀角象牙是錯是礪內  
含光潤形亦應制於是二敵交行星羅宿列雲會中區  
網布四裔合圍促陣交相侵伐用兵之象六軍之際也  
張甄設伏挑敵誘寇縱敗先鋒要勝後復尋道為場頻  
戰累鬪夫保角依邊處山營也隔道相望夾水兵也二  
鬪共生皆目并也持棊合圍連理形也覽斯戲以廣思  
儀羣方之妙理訝奇變之可嘉思孫吳與白起世既平  
而功絕局告成而巧止當無為之餘日差見玩於君子

蔡洪圍碁賦曰命班倕之妙手制朝陽之柔木取坤  
象於四方位將軍於五岳然後畫路表界立質朱文曲  
直有正方而不圓箕徒授卒三百惟羣任巧於無主譬  
采菽乎中原於是攄妙思奮元籌玩服色尚駢駒旅進  
旅退二騎迭驅翻翻馬合落落星敷各嘯歌以發憤運  
變化以相符乍似戲鶴之干霓又類狡兔之繞丘散象  
乘虛之飛電聚類絕貫之積珠然後枕以大羅繕以城  
郭綴以懸險經以絕落眇望翼舒翱翔容奕轡掌南指

情實西射揚塵奄迹雖動詳悉或臨局寂然惟棊是陳  
靜昧無聲潛來若神抑舒之役成子之賢也或聲手俱  
發誼譁噪擾色類不定次措無已再衰三竭銳氣已朽  
登軾望軼其亂可取也爾乃心鬪奔競勢使揮謙攜手  
詆欺朱顏妬嫌然局不宏席子不盈卷秉二儀之極要  
握衆巧之至權若八卦之初兆遂消息乎天文屈則尺  
蠖舒則龍翻崔嵬雲起隆嵒浪傳峯岑山結沓如霧分  
靜若清夜之列宿動若流彗之互奔殿未結而算了隸

首不得窺其門局覆亂而不惑研桑不足識其源或設  
死而稱枉臯陶不能治其怨或巧逸以樂胥后夔不足  
以之贊亂云勢貌多矣孰能究傳遠求近取予一以貫  
梁武帝圍碁賦曰圓奩象天方局法地枰則廣羊文  
犀子則白瑤元玉方目無斜直道不曲爾乃建將軍布  
將士列兩陣驅雙軌徘徊鶴翔差池燕起用忿兵而不  
顧亦馮河而必危癡無戒術而好鬪非智者之所為運  
疑心而猶豫志無成而必虧今一碁之出手思九事而

為防敵謀斷而計屈欲侵地而無方不失行而致寇不  
助彼而為強不讓他以增地不失子而云亡落重圍而  
計窮欲佻巧而行促劇疎勒之述遭甚白登之困辱或  
龍化而超絕或神變而獨悟勿膠柱以調瑟專守株而  
待兔或有少棊已有活形失不為悴得不為榮若有苦  
戰未必能平用折雄威致損令名故城有所不攻地有  
所不爭東西馳走左右周章善有翻覆多致敗亡雖蓄  
銳以將取必居謙以自牧譬猛獸之將擊必俛耳而固

伏若局勢已勝不宜過輕禍起於所忽功墜於垂成至如玉壺銀臺車廂井闌既見知於曩日亦在今之可觀或非劫非持兩懸兩生局有衆勢多不可名或方四聚五花六持七雖涉戲之近事亦臨局而應悉或取結角或營邊鄙或先點而亡或後撇而死故君子以之遊神先達以之安思盡有戲之要道窮情理之奧祕 陳宣帝圍碁賦曰引如征鴻赴沼布若羣鵲依枝類林麓之隱隱匹星漢之離離蠡起百塗從橫萬制或無厭而反

走或先贏而後濟 增唐吳大江圍碁賦曰奇謀入妙

巧思參元雖一枰之可美起三隅而邈然似將軍之出  
塞若猛士之臨邊及其進也則鳥集雲布陳合兵連或  
參差而易沒或齟齬而難便開馬眼以防後張虎口而  
遮前磊磊似玉石之相飾粲粲若衆星之麗天爾其深  
思遠慮知白守黑以仁義為反道用譎詭為明德或意  
在東西而偽擊南北類行藏之通變同陰陽之不測於  
是且侵且戰不恃不平雁行絡繹魚陣縱橫寧扶危以

救死不貪敗以喪生或偏攻於略地或專命於用兵或  
輓轡以成劫或宛轉而入征雖勞形而竭思固難得以  
言名及夫雌雄有沒疑多勝寡心悠揚而不定意沈吟  
而未下名不可竊智不可假千慮萬計復何為者行必  
量力動則相時其措意也屢巧其適變也多姿勢出心  
外命懸手中圍初開而復閉路欲塞而不通伊仁智之  
可翫豈造化之為功使夫離婁喪睹隸首迷術公子罷  
宴而驚視樵客入山而忘出 傳夢求圍碁賦曰待隱



之園神仙所都世隔兩塵維以逍遙云爾飲過三爵不  
有博奕者乎於是巍巍邃翁黃扉鉅儒召曲阿之仲子  
延相水之堯夫枰設紋楸之木子出滇南之爐值天清  
而地僻命對壘以為娛小子不敏拜賜良圖抽毫進牘  
以博胡盧夫其取法象於天地分剛柔於陰陽參駢羅  
於列宿措經營於四方衍圖書之定位非巧歷之能詳  
頗牧生乎尊俎良平坐乎帷幄轉盼變乎風雲倏忽交  
乎電雹乃局面之一新豈依傍而保角若夫揮戈退日

指掌回天寶鑑造形而炳髮鸞刀迎刃而割鮮譬當路  
之不遐何浹機之復連蹇至如中外戒嚴連烽繹騷蜀  
道之難若破竹秦關之卒如燎毛韜神機於密授見一  
著之孤高別有龍戰收功虎穴得子倒載干戈勝心不  
起享乾坤之清夷悟盈虛之妙理期大雅之明哲誠國  
手之擅美嗟夫智者創法萬變無形達人大觀一順無  
情稽古今之因革等陵谷之紛更通無方之妙用均多  
岐之錯行於是翁也首肯尊俎無聲相與推枰而一笑

目送浮雲之遐征

原文後漢班固奕旨曰北方之人謂棊為奕宏而說之舉其大略局必方正象地則也道必正直神明德也棊有白黑陰陽分也駢羅列布效天文也四象既陳行之在人蓋王政也或虛設預置以自衛護蓋象庖犧網罟之制隄防周起障塞漏洩有似夏后治水之勢一孔有闕壞頽不振有似瓠子泛濫之敗作伏設詐突圍橫行田單之奇要厄相劫割地取償蘇張之姿三分有二釋

而不誅周文之德逡巡儒行保角依傍却自補續雖敗  
不亡繆公之智中庸之方上有天地之象次有帝王之  
治中有五霸之權下有戰國之事覽其得失古今略備  
魏應瑒奕勢曰蓋奕碁之制所尚矣有像軍戎戰陣  
之紀旌旗既列權利遙起絡繹雨集魚鱗雁峙奮維闡  
翼固衛遑鄙或飾遁偽旋卓轢駢列羸師延敵一乘虛  
絕歸不得合廼見擒滅淮陰之謨拔旗之勢也或匡設  
無常尋變應危寇動北壘備在南麾中碁既捷四表自

虧亞夫之智耿弇之奇也或假道四布周爰繁昌雲合  
星羅侵逼郊場師弱衆寡臨據孤亡披埽彊禦廣略土  
疆昆陽之威官渡之方也挑誘既戰見欺敵對紛拏相  
救不量進退羣聚俱隕力行唐突瞋目恚憤覆局崩潰  
項將之咎楚懷之悖也時或失謬收奔攝北還自保固  
完聚補塞見可而進先負後剋燕昭之賢齊頃之德也  
長驅馳逐見利忘害輕敵寡備所喪彌大臨疑猶豫算  
慮不詳苟貪少獲不知所亡當斷不斷還為所謀項羽

之失吳王之尤也持棊相守莫敢先動由楚漢之兵相拒索輦也 增唐皮日休原奕曰夫奕之為藝也彼謀既失我謀先之我智既虧彼智乘之害也欲利其內必先攻外欲取其遠必先攻近詐也勝之勢不城池而金湯焉負之勢不兵甲而奔北焉勝不讓負負不讓勝爭也存此免彼得彼失此如蘇秦之合從陳軫之遊說偽也若然者不害則敗不詐則亡不爭則失不偽則亂是奕之必然也 明馮元仲奕難曰從前十九路云何而

有所住然余其返之太素且道黑白未分時一著落在  
什麼處難曰方四聚五花六持七云何肇於一然余其  
太虛為室著時自有輸贏著了並無一物難曰舉棊不  
定作伏抵巇何以披之然余亦烏能知林麓隱隱星漢  
離離入類狡兔之繞丘乍似戲鶴之干霓難曰子胡不  
精而很登絕巘馳峻坂然余損之又損寧學步蹇歸效  
顰醜女難曰子胡不脫胎換骨逼人吐吐然余不知四  
伐九伐飾遁偽疑聲手俱發難曰子胡不突圍橫行乘

忤指揮然余不發殺機祇解閉門作活不解奪角衝圍  
難曰子胡不深其壘伏蒿矢出不出止不止然余幸逃  
於東奔西靡勝固欣然敗亦可喜難曰子胡不設詐坑  
屈人兵然余不操奇贏與世爭唯其無所爭故能入於  
不死不生難曰子北矣胡不仰人鼻息大呼求救然余  
不近華胄怯訶詬寧當機不讓頻戰累鬪難曰子胡不  
工十三篇妙藉手傳然余何暇焉混沌譜但欲眠昔與  
邊韶敵手今被陳搏饒先難曰子胡不埽爾軟塞爾允



閉目不視然余行行且止不有博奕者乎為之猶賢乎已

原序梁沈約棊品序曰奕之時義大矣哉體希微之趣含竒正之情靜則合道動必適變若夫入神造極之靈經武緯文之德故可與和樂等妙上藝齊工支公以為手談王生謂之坐隱是以漢魏名賢高品間出晉宋盛士逸思爭流雖復理生於數研求之所不能涉義出乎幾爻象未之或盡聖上聽朝之餘因日之暇迴景紆情

降臨小道以為凝神之性難限入元之致不窮今撰錄  
名氏隨品詳書俾粹理深情永垂芳於來葉 增宋宋  
白奕棊序曰投壺博奕皆古也禮經有文仲尼稱焉奕  
之事下無益於學植上無裨於化源然觀其指歸可以  
喻大也故聖人存之觀夫散木一枰小則小矣於以見  
興亡之棊枯棊三百微則微矣於以知成敗之數是故  
奕人之說有數條焉曰品曰勢曰行曰局品者優劣之  
謂也勢者強弱之謂也行者奇正之謂也局者勝負之

謂也品之道簡易而得之者為上戰爭而得之者為中  
孤危而得之者為下勢之道寬裕而陳之者為上謹固  
而陳之者為中懸絕而陳之者為下行之道安徐而應  
之者為上疾速而應之者為中躁暴而應之者為下局  
之道緩而勝之者為上變通而勝之者為中劫殺而勝  
之者為下品之義有淺深定淺深之制由乎從時勢之  
義又有疎密分疎密之形由乎布子行之義又有利害  
審利害之方由乎量敵局之義又有安危淺安危之理

由乎得地時有去來乘則得之過則失之子有向背遠則斷之蹙則窮之敵有動靜緩則守之急則攻之地有廢興多則破之少則開之能從時者無不濟能布子者無不成能量敵者無不勇能得地者無不彊然從時之權戒乎遷布子之權戒乎欺量敵之權戒乎忽得地之權戒乎貪無謂品高而怠其志怠即將卑無謂勢大而驕其心驕即將羸無謂行長而泄其機泄則將疲無謂局盛而忘其敗忘即將危若然則制術於未形之前識

宜於臨事之際轉禍於垂亡之間具此道者為善奕乎  
原啓梁任孝恭謝示園基啓曰隱雷自天昆蟲已聽浮  
陰在漢柱礎先霑笑古人之不工知前事之已拙既妙  
藉手傳乃事因辭見微而能顯婉以成章孝恭人實下  
愚才歸末品效顰醜反學步蹇歸文業未彰武功已墜  
內媿齊竽外羞魯服濫出簪纓非增後車之數謬頒計  
食空貴長安之米

原銘後漢李尤園基銘曰詩人幽憶感物則思志之空

閒玩弄遊意局為憲矩碁法陰陽道為經緯方錯列張  
增評明馮元仲奕旦評曰奕秋通國之善奕者也有吹  
笙過者不知奕道是語也齊東乎不得不以此道推鼻  
祖也褚胤七歲入高品奕中天士也王粲覆局不誤一  
道奕中神人也王積薪繫局馬驢間徵道上餅餌奕中  
魁宿也滑能為上帝所取奕中香案吏也王中郎坐隱  
林道人手談陸象山悟河圖奕中辨才也蘇養直今日  
讓老夫一著李巖老四脚碁盤人數局我始一局鍾山


道士持碁隱語彼亦不敢先此亦不敢先及坡公喜敗  
奕中之柱下史漆園吏也奕中有三老五更如祖納之  
忘憂李訥之弄子忘患陳亞之手寒呵子武陵王昇之  
破荻阮茂宏之局劫亦急袁羗之不輟尹文子之喻智  
潘茂名之立觀到溉之低睡似懸風槌是也奕中有國  
士如殷仲堪之能看梁武之素工丁晉公之酷好蔡顥  
葉濤之等妙是也奕中有伉俠如王大令之窺豹何尚  
之之救褚胤是也奕中有達伯如阿戎之視奕阮嗣宗

之沒賭是也奕中有通人如毛經之目視碁局耳聽沒  
獄謝太傅之與過賭墅費禕之對戲無倦張茂先之推  
枰袁羌之荅易義是也奕中有梟將杜夫子在西京為  
天下第一有選首江霧中興第一有都匠羅騰獨步當  
時有算博士褚思莊巧遲有千里豹王抗速思取勢有  
人中龍則吳之嚴子卿馬思明爾時呼為奕聖是也乃  
若不韻則王司空與子爭道擔夫也沈之才美經被沒  
纍囚也黃魯直誓黔江鄉愿也荆公不如且已羸師也



崔慰祖辭拙宿猾也謝宏微投局於地古弼捽劉樹頭  
司馬行酒曳遐鈍漢也乃若宵人者流則羊元保補郡  
夷臣也王叔文侍東宮婦寺也陳遂償博陪僕也候箕  
路如安重霸賈豎也亂局如陳寶守錢虜也偽輸如李  
道古故拙如孔熙光不死不生如賈元喑佞子也乃若  
五禁者管子投具者陶荊州迷風者賈誼見智者淮南  
曠日者韋曜役心者李旼惜寸陰者王隱之不解著棊  
擔糞者林和靖非撮囊則朽人非白丁則吠夜犬也是

皆俗物來敗人意者也乃若方外張倩永嘉山二道士  
橘中二叟孤山老姥婦女二童爛斧柯仙仙乎奕也鳩  
摩羅什空處起子作龍鳳形法遠禪師升座說法禪戲  
奕也張清精敏龍吐碁經蛻牙龍角奕之鬼董狐也



御定淵鑑類函卷三百二十九

# 欽定四庫全書

子部

御定淵鑑類函卷三百

三十三十一

詳校官鴻臚寺少卿臣梁景陽

主事臣祁韻士覆勘

總校官進士臣繆琪

校對官典簿臣郭祚職

校對官庶吉士臣張九鐔

謄錄監生臣馮觀祚

欽定四庫全書

御定淵鑑類函卷三百三十

巧藝部七

彈碁 博塞  
擲蒲 投壺

彈碁一

原藝經彈碁二人對局黑白碁各八枚先列碁相當下  
呼上擊之 增彈碁經彈碁間設者也 彈碁經序彈  
碁仙家之戲也 記纂淵海魏戲法先立一碁於局中  
餘者間黑白圍繞之 夢溪筆談彈碁局方二尺中心

高如覆盂其巔為小壺四角微隆起今大名開元寺佛  
殿上有一石局亦唐時物也 宋陸務觀老學菴筆記  
李進伯作考古圖云古彈碁局狀如香爐蓋謂其中隆  
起也 古今詩話白樂天詩彈碁局上事最妙是長斜  
謂持角長斜一發連半局譜中具有此法柳子厚叙用  
二十四碁者即此戲也後人罕為之矣

彈碁二

增晉傳元彈碁賦序漢成帝好蹴鞠劉向謂勞人體竭

人力非至尊所宜御乃因其體而作彈碁今觀其道蹴  
踘道也 彈碁經後序漢沖質以後此藝中絕獻帝建  
安中博奕具皆得置宮中宮人以金釵玉梳戲於妝奩  
之上及魏文帝受禪宮人因更習彈碁焉 原魏文帝  
輿論余於他戲弄之事少所喜惟彈碁略盡其妙乃為  
之賦昔京師少工有二焉合鄉侯東方世安張公子予  
嘗恨不得與彼數子者對 世說彈碁始自魏宮內文  
帝於此技特妙用手巾角拂之無不中有客自云能帝

使為之客著葛巾角低頭拂棊妙踰於帝 又劉真長

始見王丞相時盛暑之月丞相以腹熨彈棊局曰何乃

淘劉既出人問見王公云何劉曰未見他異惟作吳語

耳 增後趙錄石閔使將軍蘇彥周成執石遵於南臺

如意觀遵時方與婦人彈棊 沈約宋書晉平刺王休

祐文帝第十三子也在荊州時左右苑景達善彈棊上

名之休祐留不遣 天中記唐順宗在春宮日甚好彈

棊時有吉達高錢崔同揚同愿之徒悉為名手後竇深



崔長孺甄偶獨孤遼亦為亞焉至於長慶之末好事之家見局猶多有解者韓昌黎畫記在京師甚無事同居有獨孤生申叔者與余彈碁幸勝之

### 彈碁三

原星懸 鳥跂 百中 一揮 應手 愜心 增玉

局 石盤

老學菴筆記大名龍興寺佛殿有魏宮玉石彈碁局上有黃初中刻字政和中取入禁中

帝京景物畧碧雲寺後有金章宗石彈碁盤

戒貪

釋憤 盧諭彈碁賦伊衆趣之無極諒

所戒以唯貪 顏氏家訓彈碁亦近世雅戲消愁 釋憤時可為之

勒銘

著譜

梁任昉述

異記漢武帝於湖中牧馬處名為馬澤澤中有武帝彈碁方石石上勒銘存焉 古今詩話彈碁有譜一卷唐

賢所

為 原妝奩之戲 導引之法 彈碁起於魏宮妝奩

彈碁者雅戲也非事乎千百梟擲之數不遊乎紛競詆欺之間淡薄自如故趨名近利之人多不尚焉蓋道家

所為導引 以代蹴鞠 不離綺紈 好蹴鞠有進彈碁

者以代之帝賜以青羔裘 梁冀別傳冀好彈碁暑夏之月露首袒體唯事樗蒲彈碁不離綺紈袴之側

增隱囊紗帽 霧帳銀牀 王維詩不逐城東遊俠兒

詩霧帳銀牀初破睡 牙籤玉局坐彈碁 雖具美於踰平 終易虧於履

峻 風飄波動揮玉指以爭奇 霧散星離擲金釵而

決勝 漢沖而後幾古藝之不傳 魏文以還幸絕伎  
之擅巧

### 彈碁四

增錢塘五絕

致虛雜俎宋文帝云天下有五絕皆出錢塘杜道鞠彈碁其一也

中心

不平

古今詩話李義山詩莫近彈碁局中心最不平謂其中尊也

### 彈碁五

原詩周王褒彈碁詩曰投壺生電影六博值仙人何如  
鏡奩上自有拂輕巾隔澗疑將別隴頭如望秦握筆徒

思賦辭短竟無陳 增唐杜甫詩曰席謙不見近彈棊

畢耀仍傳舊小詩玉局他年無限笑白楊今日幾人悲  
王建詩曰彈棊玉指兩參差背局臨虛鬪打危先打  
角頭紅子落上三金字半邊垂

增歌唐韋應物彈棊歌曰圓天方地局二十四氣子劉  
生絕藝難對曹客為歌其能請從中央起中央轉鬪破  
欲闌零落勢背誰敢彈此中舉一得六七旋風忽散霹  
靂疾履機乘變安可當置之死地翻取強不見短兵反

掌收已盡唯有猛士守四方四方又何難橫擊且緣邊  
豈知昆明與碣石一箭飛中隔遠天神安志愜動十全  
滿堂驚視誰得然李頎彈碁歌曰崔侯善彈碁巧妙  
盡於此藍田美石清如砥黑白相分十二子聯翩百中  
皆造微魏文手巾不足比緣邊度隴未可嘉烏跂星懸  
正復斜迴颺轉指速飛電拂四取五旋風花坐中齊聲  
稱絕藝仙人六博何能繼一別常山道路遙為余更作  
三五勢宋劉攽彈碁局歌曰漢王初厭蹴踘勞侍臣

始作彈基戲東方諸公盛得名魏文邇來稱絕技後宮  
妝奩仍可為客著葛巾尤更奇誰令朱墨異貴賤百世  
紛紛無已時君從何處得此局石理溫華瑩寒玉山形  
四隕澗谷深別將望秦森在目少年博戲日益新古事  
不復傳今人君能興此亦先覺辟雍老儒悲絕學

原賦後漢蔡邕彈基賦曰榮華灼爍萼不韡韡於是列  
象雕華逞麗豐腹斂邊中隱四企輕利調博易使騁馳  
然後抵掣兵基夸驚或風飄波動若飛若浮不遲不疾

如行如留放一弊六功無與儔 魏文帝彈碁賦曰惟

彈碁之嘉巧邈超絕其無儔苞上智之宏畧允貫微而  
洞幽局則荆山妙璞發藻揚暉豐腹高隆庠根四頽平  
如砥礪滑若柔荑碁則元木北幹素樹西枝洪纖若一  
修短無差象籌列植一據雙螭滑石霧散雲布四垂然  
後直扣先縱二八次舉緣邊間造長邪迭取爾乃詳觀  
夫變化之理屈伸之形聯翩霍繹展轉盤縈或暇豫安  
存或窮困側傾或接黨連興或孤據偏停於時觀者莫

不虛心竦踊咸側息而延佇或雷抃以大噓或戰悸而不能語 丁廙彈棊賦曰文石為局金碧齊精隆中夷外綴理肌平卑高得所既安且貞棊則象齒選乎南藩理密身重腹隱頭騫驍悍銳敏不輕不軒列數二八取象官軍徽章采列爛焉可觀於是二物既設主人延賓粉石霧散六師列陳跡行王首左右相親或列告誓三令五申事中軍政言合禮文號令既通兵棊啓路運若迴颺疾似飛兔前中却儻賈其餘怒風馳火燎今年取



五恍哉忽兮誠足慕也若夫氣竭力殘弱膽怯心進不  
及敵中路為擒仁而不武春秋所箴剛優勁勇忿速輕  
急推敵阻隧我廢彼立君子去是過猶不及 晉夏侯  
惇彈碁賦曰嫌深宇以抒情邁衆藝以廣娛觀奇巧之  
環麗律彈碁之妙殊局則崑山之寶華陽之石或煩蜿  
龍藻或分帶斑駁或發色元黃或皦的鱗白悉魯匠之  
精能傾工心於雕錯形方隆而應矩焜煜霞以倏鑠爾  
乃延良人洽坐際隆局施輕碁列徐正控往來必有中

而告憩相形投巧左撫右拔揮纖指以長邪因偃掌而  
發八陵超踰落歸趣援勢紛交驚而踏合乘流密以遙  
曳若乃釋正彈循亂湯滑石周散勢縱橫捭撥捶撇應  
無方侈若天星之列閃若流電之光或擗柏散爛揮霍  
便娟或奮振堂堂頽水參連碁單局匱等分紀殘勝者  
含和負者喪顏惜情娛之未遂恨白日之微遄實機藝  
之端首固君子之所歡也 增唐閻伯璵彈碁局賦曰  
西南之美有華山之礦石焉底貢之珍有荆山之象齒

馬於是工人創器軌物備叙豐腹上圓頽根下矩憑陵  
衡隧掬箕師旅發號啓行兵基迭舉赴縱奔電影亂飄  
風左犄右角為梟為雄易心而行俟釁而動奮以武怒  
賈以餘勇作威以襲敵厭陣以承權建翎桓桓謂戎馬  
之旋路長斜矯矯猶翰音之登天恥交綏而退旅尚彼  
廢而我全倂射隼以藏器眷得魚以忘筌惴惴將頽識  
成敗之疊疊累累不絕歎瓜瓞之綿綿始收功而隔澗  
終制敵以緣邊原夫粲若星離偃如雲岼映垂奩而黻

合拂轉巾於霧散示之以弱効羸師以設疑謀之其滅  
象觀兵以靜亂克乃因於通理敗不由乎強幹連連搏  
漠必成其鴈行歷歷登壇何異乎魚貫諒棲遲以保險  
仍龜臲而長歎良工飾法以修身小人恥射以作翫鑒  
炯誠於博奕吾是以箴之藻翰 盧諲彈棊賦曰觀乎  
局之為狀也下方廣以法地上圓高以象天起而能伏  
危而能懸四隅咸舉四達無偏居中謂之豐腹在末謂  
之緣邊棊之為數也各一十二彙其始布也各以其類

乃分其位環合相承櫛比為次其始作也則云其密未  
為之難乃契謀衆指意或多端欲因先以獲勝恐致危  
以思安每遇敵其增惕故用之而假歡 張廷珪彈碁  
賦曰其為局也不徵荆山之璞不用藍田之質兀若元  
龜之起爛若繁星之出約勝負仗明信但分類而抗行  
或背深而列陣唯智是役唯貪是慎敗不同奔鬪不齊  
進曉之者敵衆多以寡少懵之者起徑寸猶萬仞徒觀  
其彈射萬變精妙入神口與心計行隨意新作氣者搏

乎九天之上猶檀欒而旁擊受敵者橫墜乎九地之下  
甘棄置而歸仁至若狂生俠少使氣為主顧懷將恡動  
越規矩競緣局而斜衡爭隔矢而曲取既向角而散亂  
復當中而攢聚苟萬一之偶中何輕狡之云數曷若恬  
和之士神清意遠豈綦布而興來亦手運而情遣先和  
容而取則兼中敵而為善務專一於道求寧苟貪於席  
卷或聊假以喻大或有迷而知返夫局勢將畢觀者逾  
樂兩敵相持三顧而作劃去者箭飛分索者星落晒四

隅之豁然若萬里之清廓

原序梁簡文帝彈碁論序曰觀夫模穹蒼而挺質寫博厚而成形峙五岳而標奇停四海而為量協日月之數應律呂之期總元黃之武畧校孫吳之應變語其用心壯哉此戲也爾乃觀壯士之出師望兵碁之式道上昇則搏翼穹天赴下則建翎高屋乘危則棧山航海歷險則束馬懸車完五憶霸國之勲全六想陳平之智八反均高陽之數四角思漢后之歌飛瓦同晉侯之琴徘徊

異鄴中之輦牽牛覺乘槎之來織女擬雲輶之去故古  
人或言之禮樂或比之仁讓或喻以修身或齊諸道德  
良有以也 增唐柳宗元彈碁序房生直溫與予二弟  
遊皆好學予病其確也思所以休息之者得木局隆其  
中而規焉其下方以直置碁二十有四貴者半賤者半  
貴曰上賤曰下咸自第一至十二下者二乃敵一用朱  
墨以別焉房於是取二毫如其第書之既而抵戲者二  
人則視其賤者而賤之貴者而貴之其使之擊觸也必



先賤者不得已而使貴者則皆慄焉昏焉亦鮮克以中其獲也得朱焉則若有餘得墨焉則若不足予諦睨之以思其始則皆類也房子一書之而輕重若是適近其手而先焉非能擇其善而朱否而墨之也然而上焉而上下焉而下貴焉而貴賤焉而賤其易彼而敬此遂以遠焉然則若世之所以貴賤人者有異房之貴賤茲綦者歟無亦近而先之耳有果能擇其善否者歟其敬而易者亦從而動心矣有敢議其善否者歟其得於貴者

有不氣揚而志蕩者歟其得於賤者有不貌慢而心肆者歟其所謂貴者有敢輕而使之者歟所謂賤者有敢避其使之擊觸者歟彼朱而墨者相去千萬且不啻有敢以二敵其一者歟予墨者徒也觀其始與末有似碁者故敘

原啓梁元帝謝東宮賜彈碁局啓曰繹本慙游藝彌愧拂巾鳳峙鷹揚信難議擬鳥跂星懸曾何駉歸蓮花未易玉屑不工緣邊之法庶遵細柳之陣徘徊之勢方希

明月之樓子桓有錫聞於遠古季緒蒙賜卽事可傳

博一

原說文博局戲六箸十二棊也古者烏曹作博家語  
哀公問孔子曰吾聞君子不博有諸孔子曰有之為其  
兼行惡道也山海經休與之山其上有石焉名曰帝  
臺之棊五色而文狀如鵲卵增戰國策蔡澤謂應侯  
曰君獨不觀博者乎或欲大投或欲分功此皆君之所  
明知也史記博之所以貴梟者便則食不便則止何

用智之不如梟也 揚雄方言簿謂之蔽或謂之箔秦  
晉之間謂之簿吳楚之間或謂之蔽或謂之箭裏或謂  
之簿毒或謂之死專或謂之匿璇或謂之碁所以投簿  
謂之枰或謂之廣平所以行碁謂之局或謂之曲道

揚子法言在問侍君子博乎曰侍坐則聽言有酒則觀  
禮焉事博乎 原尹文子博盡闕塞之宜得周通之路  
而不能制齒之大小在遇者也 增遁甲經天一遊亭  
六行亭亭天之一貴神也戰鬪博戲漁獵但可背不可

向也 魏王粲序因行騁志通權達理六博是也 顏

氏家訓古為大博則六箸小博則二桠今無曉者比世  
所行一桠十二碁數術淺短不足可翫 唐國史補今

之博戲長行最盛其具有局有子子黑黃各十五擲采  
之骰有二其法生於握槊變於雙陸後人新意長行出  
焉彊名爭勝謂之撩零假借分畫謂之囊家囊家什一  
而取謂之乞頭 薛孝通譜烏曹作博其所由來尚矣  
雙箭以象日月之照臨十二碁以象十二辰之躔次則

天地之運動法陰陽之消息表人事之窮達窮變化之  
機微行其道則倚鹿有歸保其家乃瞻烏爰集隱顯藏  
用莫不合道龍潛雀起率皆趣良是以諧暢至娛治協  
妙賞者也 陸游筆記市人有以博戲取人財者每博  
必大勝號松子量不知何物語也 鮑宏博經博局之  
戲各投六箸行六棊故云六博用十二棊六棊白六棊  
黑所擲骰謂之瓊瓊有五采刻為一畫者謂之塞刻為  
兩畫者謂之白刻為三畫者謂之黑一邊不刻在五塞

之間謂之五塞 記纂淵海雙陸出天竺涅槃經名為  
波羅塞戲 潛確類書博局戲以五木為子有梟盧雉  
犢為勝負之采 山堂肆考雙陸博局戲名三佛齊國  
曰闍婆占城曰質犁真臘曰莎

## 博二

原穆天子傳天子與井公博三日而決 說苑晉靈公  
驕奢造九層之臺謂左右敢諫者斬孫息聞之求見公  
曰子何能孫息曰臣能累十二棊加九雞子於其上公

曰吾少學未嘗見也子為寡人作之孫息即正顏色定  
志意以棊子置下而加雞子於其上左右惛息靈公俯  
伏氣息不續公曰危哉孫息曰公為九層之臺三年不  
成危甚於此 列子虞氏者梁之富人置高樓大路設  
酒擊博樓上 增史記魏王與信陵君博北境舉烽火  
言趙寇入界信陵君曰臣有客知趙王陰事言趙王獵  
非寇也 又曰荆軻與魯勾踐博爭道勾踐怒而叱之  
軻嘿而逃去 神仙傳中山衛叔卿服雲母得仙漢武



使其子度世往華山求之度世望見父與數人博戲於石上紫雲鬱鬱於其上白玉為牀度世曰向所與父並坐是誰也叔卿曰洪崖先生許由巢父也後漢書耿恭為戊巳校尉移檄烏孫示漢威德皆遣使獻名馬及奉宣帝所賜公主博具又曰梁冀能彈棊格五六博蹴鞠之戲又曰趙延上封事曰河南尹鄧萬有龍潛之舊封為通侯加禮引見與之對博上下渫黷有虧尊嚴魏畧孔桂性便妍曉博奕太祖愛之每在左右

記纂淵海梁時荊州掾屬雙陸賭金錢盡以金錢花相

足魚宏謂得花勝錢 唐書陳子昂傳子昂十八未知

書以富家子尚氣決弋博自如 天中記武后嘗問狄

仁傑云朕昨夜夢與人雙陸頻不見勝何也對曰雙陸

輸者蓋謂宮中無子是上天之意假此以示陛下安可

久虛儲位哉 譚賓錄天寶中嶺南獻白鸚鵡甚聰慧

呼為雪衣女上每與嬪御及諸王博戲稍不勝左右呼

雪衣女必飛局中鼓翼以亂之 潘氏紀聞明皇與貴

妃采戲將北唯重四可轉敗為勝上擲連叱呼之骰子

宛轉而成重四上大悅命高力士賜四緋也 唐書李

師道欲知吳元濟虛實使劉晏平間道走淮西歸云元  
濟暴師數萬而晏然與妻妾戲博必敗之道也 五代

史李守真傳王景崇以鳳翔反漢遣郭威督師攻之過

馮道家問策道曰君知博乎博者錢多則多勝錢少則

多敗今合諸將之兵以攻一城較其多少勝敗可知威

意大悟 南唐近事劉信攻南康久不下義祖譴信使

者而杖之詈曰語劉信要背即背何疑之甚也信大怖并力急攻次宿而下師旋義祖命諸元勲為六博之戲信酒酣掬六骰於手曰信不負公當一擲徧赤誠如前旨則衆彩而已投之於盆六子皆赤義祖賞其精誠焉宋史郭崇在真定監軍陳思誨奏言崇有異心太祖遣人覘之崇方對賓屬坐池潭小亭飲博城中晏然又曰郭進深州博野人少貧賤為鉅鹿富家傭保僮任氣結豪俠嗜酒蒲博又曰王昭遠形質魁偉一日

衆祀里神昭遠適至有以博骰授之謂曰汝他日倘有節鉞試擲以卜之昭遠一擲六齒皆赤後拜保靜軍節度使又曰王欽若深嫉寇準因進言曰陛下聞博乎博者輸錢欲盡乃罄所有出之謂之孤注陛下寇準之孤注也斯亦危矣又曰寇萊公再貶雷州司戶未幾丁謂亦南竄道雷州準聞家僮有謀欲報讐者乃杜門使縱博母得出伺謂行遠乃罷又曰章得象與楊億戲博李宗諤家一夕負錢三十萬而酣寢自如他日博

勝得宗諤金一奩數日博又負即返奩與宗諤封識未嘗發也 東坡志林紹聖中都下有道人坐相國寺賣

諸奇方緘題其一曰賣賭錢不輸方少年有博者以千金得之歸發視之曰但止乞頭道人亦鬻術矣戲語得千金然亦未嘗欺少年也 清波雜誌蘇東坡云如人善博日勝日負王荊公改作日勝日負呂正獻尤不喜人博有勝則傷人敗則傷儉之語 遼史耶律義先侍宴上令與同知樞密事蕭革巡擲義先酒酣曰臣備位

大臣不能進忠去佞安能與賊博乎 金史盧璣預天

壽節上命與大臣握槊戲璣獲勝焉從上秋山賜名馬

上曰酬卿博直 元史哈瑪爾有口才為帝所褻幸屢遷

殿中侍御史帝每即內殿與璫爾以雙陸為戲 列朝

詩集本傳福清何士璧魁岼類河朔壯士跣跣放跡使

酒縱博 又曰長洲皇甫冲博綜羣籍通挾丸擊球音

樂博奕之戲吳中輕俠少年咸推服之 又曰萬歷間

韓上桂為詩賦多倚待急就方與人縱談大噱呼號飲

博探題立就斐然可觀 又曰長洲祝允明生右手枝  
指自號枝指生好酒色六博善度新聲

博三

原六博

五白

楚詞篴箛象碁有六博分曹并進適相迫注云篴箛博箸也以象飾碁投六箸

行六碁故曰六博曹偶也適亦迫也又云成梟而年呼五白晉制犀比費白日注云梟勝也倍勝為年五白

博齒也晉制犀比謂晉工作博箸比集犀角為雕飾也費白日言博者耗費光陰也 欲年 貴

梟

淮南子善博者不欲年不勝平心定意投得其行由其理雖不必勝得籌必多 韓子齊宣王問莊

賈曰儒者博乎對曰博也者貴梟勝者必殺象是殺其所貴也儒者以為害義故不博

亡羊



投馬

莊子穀博塞以遊而亡羊詳塞表耽投馬大叫詳後

與金

賭郡

韓子薛公

之相魏昭侯也有揚胡蕃者於王甚重而不為薛公薛公患之乃與之博與之百金令與兄弟博戲俄入益之

二百金

下詳

博經

博徒

西京雜記許博昌安陵人作六博經一篇漢

劇孟

增三齒

兩行

博塞經無齒為繩三齒為雜繩元虞裕談撰雙陸之戲最盛

於唐嘗考其技凡白黑各用六子乃今人所謂六甲是也昔人有對云三箇半升升半酒兩行雙陸陸雙碁即

是可

千場

一判

高適少年行千場縱博家仍富幾處報讐身不死山堂肆考一判

言雙陸

操櫬

攬箸

繁欽威儀箴偃息閒居操櫬弄碁注云櫬瞿營反博子也曹

一帖也

子建詩仙人攬六

擊盆碎局

孔帖五代梁廣王全昱太祖宴居宮中與

箸對博泰山隅

諸王飲博全昱酒酣取骰子擊盆而迸之呼太祖曰朱  
三爾碭山一百姓天子於汝何負而滅唐三百年社稷  
吾將見汝赤族矣何以博為唐張讀宣室志貞元中  
有異僧客廣陵孝感寺自號大師嘗與一少年對博大  
師怒以手擊博局盡碎少年素以力聞因起鬪擊卒不  
能勝比歸入室獨坐寺僧從門隙見觚端發奇光忽亡  
去廣陵人因稱惡業雅戲史記博戲惡業也而柏  
為大師佛云雅戲發用之富洪遵序雙

陸云博戲打馬拽子視  
明瓊為標的號為雅戲

原殞吳嗣償太守

漢書景帝為太

子與吳太子博而爭道以局擲殺吳太子文選曰殞吳  
嗣於局下蓋發怒於一博又曰宣帝微時與陳遵祖  
父遂有故相隨博奕數負進及宣帝即位用遂至太原  
太守賜璽書曰官尊祿厚可以償博進矣妻君寧在旁  
知狀遂頓首辭謝曰事在元  
平元年赦令前其見厚如此

賭香囊賭重射

謝元少好

佩紫羅香囊叔父安患之不欲傷其意因賭取焚之遂止  
史記田忌與齊諸公子馳逐重射孫臏謂田忌曰

令君下驄當彼上驄以君上驄當彼中驄  
以君中驄當彼下驄一不勝而二勝也

呼五白

賭千金 增臨正殿 升高崖

涼州記呂光太安二年  
龜茲國使至獻寶貨奇

珍汗血馬光臨正殿設宴會文武博戲  
子南陽文氏求食入山見高崖上有數人對博抱朴

修青

石 安紅豆

述征記極西南端門外有石色青而細修  
之作博碁甚可珍玩說郭宋程大昌云

博骰本以木為質唐世鏤骨為竅雜以朱墨更有取相  
思紅子納寘竅中使其色明現而易見故溫飛卿豔詞  
玲瓏骰子安紅豆

睹仙童 遇美女

陳張正見詩已  
見玉女笑投壺

入骨相思知也無

復睹仙童欣六博 廣記薛昭遇三美女  
請擲子遇采彊者得薦枕席張雲容采勝

登城謔

繞牀呼

宋史真宗幸澶州留寇準居城上徐使人視準何為準方與楊億飲博歌謔歡呼帝喜曰準如

此吾復何憂李白詩有時六博快壯心繞牀三匝呼一擲

張四維 背兩目

原變服就局

悴容觀博

晉表耽字彥道善博桓溫少遊博徒資產俱盡尚有負進

求濟於耽耽在服以誠告焉耽畧無難色變服懷布帽隨與債主戲耽素有藝名債者聞而不識謂曰卿當不辦作表彥道也遂就局十萬一賭直上百萬耽投馬叫絕擲布帽於地曰竟識表彥道否通曉如此也王戎

詳圖

好行小慧

當惜分陰

結黨連羣

傾財破

產 將為智獲 豈在力求 勞情損思 廢日妨功

增戲谷銘山 歌筵酒席

戲谷銘山見後陸瑜詩列朝詩集本傳尹嘉賓既

貴落拓自如山巔水曲班荆  
藉草歌筵酒席呼盧縱博

青巾據地 紫袍當局

宋張舜民畫墁錄太祖微時多遊闕中長武城寺僧嚴  
者陰異其骨氣使工人貌之其繪事褐衫青巾據地六  
博事文類聚則天時南海貢集翠裘后以賜張昌宗  
狄仁傑奏事命與昌宗雙陸則天曰賭何物梁公曰以  
臣紫絕袍為對賭昌宗翠裘則天曰此裘價踰千金公  
曰臣袍乃大臣朝見之衣翠裘乃嬖倖寵遇之服對臣  
之袍臣猶怏怏昌宗神沮氣索  
累局連北公對御褫裘而出  
槃列六行 瓊施五

采 洪遵序雙陸博局戲名以異木為方槃槃中彼此  
內外各有六梁故名雙陸 注見上鮑宏博經

製自魏王 增由唐后

聲譜博陸采名也魏陳思王製  
雙陸局置骰子二至唐末有葉

子之戲未知誰製遂加骰子至六骰合作投蓋投擲之  
義也 記纂淵海武后自置九勝局形如雙陸其頭加

千萬二彩其子三十令  
文武官分朋為此戲

戲非有妨 失又何損

唐書張賈

出守衢州文宗曰聞卿大善長行賈曰臣公事之餘聊  
與廣客為戲非有所妨也 從信錄李伯昇遣客說張  
士誠云公能幅巾待命亦不失為萬戶侯且  
公之地譬如博者得人之物而復失之何損 厥名簿

毒 亦號撩零 原存勝負之宜 致成敗之理 始

開褻黷之源 終虧敬讓之本 增非忘喪志之譏

聊耽用智之巧 擲千金於俄頃 輸百萬於須臾

坦懷者杜門縱讐 溺志者覆舟抱局 畫水與裏湘

女命儔 白玉牀頭嶽仙嘯侶 原禹帝立言實有輕

於尺璧 陶公明戒自取責於寸陰 增分曹賭酒發  
逸興於微吟 倚局成文走靈思於妙腕 返復倏忽  
窮變化之精微 疾遲乘除法陰陽之消息

### 博四

增澄神滌氣

宋洪遵序大凡人之從事百役勞憊湫底不可以久必務游息以澄神滌氣故取諸

博博之名號不同其志於戲一也

仙人共博

風俗通漢武帝與仙人共博其投石中馬蹄處

於今尚在

倪寬爭局

春秋舊事倪寬為漢司馬農卿與太子博爭局犯罪而還

爭道

大罵

魏畧杜畿與衛固少相狎侮共爭博道畿曰我今作河東也固發衣罵之及畿之官而固為功曹

博徒隱語

宋陶穀清異錄博徒隱語以骰子為怪怪二十一又曰象六謂六隻成副

紀

奎文閣

宋洪遵序雙陸最近古號雅戲以傳記考之獲四名曰握槊曰長行曰波羅塞戲曰雙陸始於

西竺流於曹魏盛於梁陳魏齊隋唐之間至我太宗播之聲詩紀於奎文閣中

保伍法

宋史薛季

宣傳時患盜季宣行保伍法禁

湘女寶具

宋張邦幾侍兒小名

猶博雜戲而許以武事角勝負

錄劉商少遊湘中秋月方皎忽見一畫水輿中有七八女子環麗容止若為呼盧戲其具俱希世之寶

雅善飲博

宋史劉審瓊嘗給事外諸侯雅善酒令博給

師憲敗面

癸辛雜識賈師

憲丞相少荒於飲博嘗憩棲霞嶺下有布裘道者瞪視曰官人可自愛重將來不在韓魏公下既而醉博平康至於敗面他日復遇道者驚歎曰可惜天堂已破必不能令終矣其後悉驗

泛海不離

記纂



淵海貝州潘彥好雙陸每有所詣局不離身曾泛海遇  
風船破彥右手挾一板左手抱雙陸局口含雙陸骰子  
經二日一夜至岸兩手見  
骨局終不捨骰子亦在口  
與博徒游  
癸辛雜識安南  
國王陳日照本

福建長樂人少有大志好與博徒豪俠游亡命居邕宜  
間與交趾鄰近有棄地數百里每博戲則其國貴人皆  
出於市國相乃王壻其女亦從而來見陳美少年悅之  
因納為壻其王無子以國事授相相又昏老遂以屬壻  
以此得  
狹斜飲博  
列朝詩集本傳程布衣可中徧游  
國焉  
南北名山水遇貴人多偃蹇不為

下狹斜飲博留連匝  
月人不知其所之

## 博五

增詩陳陸瑜仙人覽六箸篇曰九仙歡會賞六箸且娛

神戲谷聞餘地銘山憶舊秦避敵情思切論兵勢重新

問取南皮夕還笑拂棊人 唐杜甫今夕行曰今夕何

夕歲云徂更長燭明不可孤咸陽客舍一事無相與博

塞為歡娛憑陵大叫呼五白袒跣不肯成臬盧英雄有

時亦如此邂逅豈即非良圖君莫笑劉毅從來布衣願

家無擔石輸百萬 宋朱子觀雙陸譜詩曰近來新譜

識臬盧擬喚安陽舊博徒只恐分陰閒過了更教人笑

牧猪奴 元宋无雙陸詩曰金鏤紋桑斲局堅紅雲倒

浸一池蓮星環紫極無多點月印銀潢有兩弦行彩砧  
聲鳴素練計籌花片落牙錢箇人慣受卑棲苦長為歸  
遲罰綺筵謝宗可雙陸詩曰彩散清響押盤飛曾記  
唐宮為賜緋影入空梁殘月在聲隨征馬落星稀重門  
據險應輸擲數點爭雄莫露機惟恨懷英誇敵手御前  
奪取翠裘歸明郭登雙陸詩曰一笑承恩便賜緋論  
他當局却全非平生學得檀公術打馬沿邊走似飛  
增賦唐邢紹宗握槊賦曰夫何一枰之內兮而取之多

端六藝之外兮其為巧乎實難張四維則地理攸載背  
兩目則天文可觀不可飾於丹漆寧假貴於琅玕物以  
羣分故玄黃而不雜鬪必遇敵惟蚌鷸其何歡彼千變  
之奚準任雙頭之所安遂使象牙在手駿骨登盤為無  
竅之須鑿故非龜而見鑽且其廣凡幾分數不過六參  
差宛轉循環反覆犄角相持首尾俱蹙形同楚漢氣陵  
賁育收七縱之奇功在一擲於餘掬或撫脰而驚眄或  
聳身而助速似臨敵之旗鼓同在師之耳目率成是而

敗非類吉凶之倚伏 明常倫博賦曰夫其制局方廣  
地維鎮矣訣騎黑白陰陽分矣門梁以別內外限矣日  
月相直星宿相當天文絢矣疾遲剩除返復倏忽人事  
奮矣隻則見持耦則亡虞存詩人棠棣之義彰往察來  
明乎得失得大易消長之槩勿貪敵資慎守我居避實  
擊虛蓋孫武戰陳之奇類為內據門為外樞梁遏犇趨  
有王公設險之威撞門踰頰明遲暗疾田文之脫秦疆  
撤底守死時至潰敵趙襄之保晉陽彼騎被執我家無

隙井陘之拔旂食馬餘奇觸險趙趙垓下之潰圍風或不競外馳內救較計索情後舉是求漢高之遷用智之柔也氣豪采應憑陵大呼心愉手敏敵無所措唐文之戰破竹是務也內梁馬逸剗外以障之長圍是也因投縱繫單騎以調之老師智也局耦勢當鴻溝烏江勝負先後則神閒者彊單點孤立減竈佯北機括佐微則食餌者兀是故三才擬之形詩書為之徵蘊霸王之畧騁才智之雄談具崖畧古今可方矣推其至也則坐忘寢

食傍若無人有遺世獨立之趣懸遞待投不怨勝已有  
樂天知命之譽因系之辭曰嵒巖閒寂白日延遊戲陸  
博娛我神地平天成陰陽判風雷搏擊幾後先感客啓  
予撰斯文理如縣寓遺所歡

增文唐劉禹錫觀博文曰客有以博戲自任者速余觀  
焉初主人執握槩之器寘於廡下曰主進者要者約之  
既揖讓則次有博齒齒異乎古之齒其制用骨觚稜四  
均鏤以朱墨耦而合數取應期月視其轉止依以爭道

是日客抵骨於局且祝之曰其來如趨其去如脫事先  
趨趨命中無蹉跌無從彼呼無俾我怛分曹道迫自旦  
至於日中晷而率與所祝異焉客視骨如有情焉或憑  
焉悉詈之不洩又從而齧嚙蹂躪之莫顧其十目之眙  
讓也乃曰非余術之不工是朽骸者不余畀也

原論吳韋曜博奕論曰蓋聞君子恥當年而功不立疾  
沒世而名不稱故曰學如不及猶恐失之是以勉精厲  
操晨興夜寐不遑寧處若甯越之勤董生之篤漸漬德



義之淵栖遲道藝之域且以西伯之聖姬公之才猶有  
日昃待旦之勞況在臣庶而可以已乎歷觀古今功名  
之士皆有累積殊異之跡勞神苦體契闊勤思平居不  
隋其業窮困不易其素是以卜式立志於耕牧而黃霸  
受道於園囿終有榮顯之福以成不朽之名今世之人  
不務經術好翫博奕廢事棄業忘寢與食窮日盡明繼  
以脂燭當其臨局交爭雌雄未決人事曠而不修賓旅  
闕而不接雖有太牢之饌韶夏之樂不暇存也然其所

志不出一枰之上所務不過方罫之間勝敵無封爵之  
賞獲地無兼土之實技非六藝用非經國立身者不階  
其術徵選者不由其道求之戰陣則非孫吳之倫考之  
道藝則非孔氏之門以變詐為務則非忠信之事以劫  
殺為名則非仁者之意而空妨日廢業終無補益何異  
設木而擊之置石而投之哉且君子之居室也勤身以  
致養其在朝也竭命以納忠故孝友之行立貞純之名  
彰也

# 塞一

原說苑塞行碁相塞謂之塞也 管子秋行五政一曰

秋禁二曰博塞 莊子臧與穀相與牧羊而俱亡其羊

問臧奚事挾策讀書問穀奚事博塞以遊事業不同亡

羊均也 漢書吾丘壽王以格五名待詔

注乘五閭不得行故曰格

五也又曰塞博類也不用箭但行梟散又曰格五行

塞白乘至五格不得行又曰今之戲塞塞音先代反

增鮑宏塞經塞有四采塞四乘五是也 又曰行五道

而投瓊曰博不投瓊曰塞塞亦博類

塞二

原穆天子傳天子北入邠與井公塞也 齊書沈文季  
字仲達吳興武康人尤善塞用五子 增孔帖唐韋安  
石侍宴殿下易之引蜀商宋霸子等博塞后前安石奏  
商等賤類不當戲殿上顧左右引出

塞三

原賦後漢邊孝先塞賦曰可以代博奕者曰塞其次也  
試習其術以驚睡救寐免晝寢之譏而已然而徐核其

困通之極乃亦精妙而足美也故書其較畧舉其指歸以明博奕無以尚焉曰始作塞者其明哲乎故其用物也約其為樂也大猶土鼓塊枹空桑之瑟質樸之化上古所耽也然本其規模制作有式四道交正時之則也棊有十二律呂極也人操厥半六爻列也赤白色者分陰陽也乍亡乍存像日月也行必正直合道中也趨耦方折禮之容也迭往迭來剛柔通也周則復始乾行健也局平以正坤德順也然則塞之為義盛矣大矣廣矣

博矣質象於天陰陽在焉取則於地剛柔分焉施之於人仁義載焉考之古今王霸備焉覽其成敗為法式焉增書唐張籍與昌黎書曰商論之際或不容人之短如在私尚勝者亦有累也況為博塞之戲與人競財乎廢棄時日不識其然願絕博塞之好

擣蒲一

原博物志老子入胡作擣蒲 增庾亮集頃聞諸君有擣蒲過差者初為是政事閒暇以娛意耳故未有言也

今知大相聚集漸以成俗聞之能不憮然 唐國史補

洛陽令崔師本又好為古之擲菹其法三分其子三百六十限以二關人執六馬其骰五枚分上為黑下為白黑者刻二為犢白者刻二為雉擲之全黑者為盧其采十六二雉三黑為雉其采十四二犢三白為犢其采十全白為白其采八四者貴采也開為十二塞為十一塔為五禿為四掘為三梟為二六者雜采也貴采得連擲得打馬得過關餘采則否新加進九退六兩采 宋程

大昌擣菹經畧古惟斲木為子一具凡五子故名五木  
後世轉而用石用玉用象用骨故列子謂之投瓊律文  
謂之出玖 又曰擣菹家謂二白三黑為犍犍惡齒也  
擣菹經凡近闕及後一子謂之塹近闕及前一子謂  
之坑落坑塹非貴采不能出凡一馬打一馬如遇六踏  
馬則一馬可踏六馬故世指不循禮者謂之踏坑塹  
潛確類書擣菹骰古人用五子以木為之陳思王用兩  
子以骨為之 山堂肆考世之糾率擣菹者謂之公子



家又謂之囊家亦謂之錄事

擣菹二

增西京雜記京兆有古生者學從橫揣摩弄矢擣丸擣菹之術 晉書武帝喜胡貴嬪嘗與之擣菹爭道遂傷上指帝怒曰此固將種也對曰北伐公孫西拒諸葛非將種而何帝甚有慙色 又曰周顗之死也王敦坐其罪有一參軍擣菹馬於博頭被殺因謂敦曰周家奕世令望而坐不至公及伯仁將登而墜有似下官此馬

又曰葛洪字稚川性寡欲無所愛翫不知棊局幾道擣

蒲齒名世說補桓公將伐蜀在事諸賢咸以李勢在

蜀既久形據上流未易可克唯劉尹云伊必能克蜀觀

其蒲博不必得則不為原晉書陶侃字士行語人曰

聖人惜寸陰衆人當惜分陰諸參佐毋以戲廢事乃取

擣蒲局投之於江曰擣蒲者牧猪奴戲耳又曰劉毅

家無擔石之儲擣蒲一擲百萬又曰劉毅於東府聚

擣蒲一擲應至數百萬餘並黑犢以還惟劉裕及毅在

後毅次擲得雉大喜褰衣繞牀叫謂同坐曰非不能盧  
不事此耳裕惡之因援五木久之曰老兄試為卿荅既  
而四子俱黑其一子轉躍未定裕厲聲叱之即成盧毅  
意殊不快也 又曰慕容寶與韓黃李根等因讌擲菹  
危坐整容誓之曰世云擲菹有神豈虛言哉若富貴可  
期頻得三盧於是三擲盡盧寶拜而受賜 異苑昔有  
人乘馬山行遙岫裏有二老翁相對擲菹遂下馬以策  
拄地而觀之自謂俄頃視其馬鞭漼然已爛顧瞻其馬

鞍骸枯朽既還至家無復親屬一慟而絕 庾翼集參

軍于瓚陳節戲事曰夫嬉戲都名動相剥非為治之本  
自今擣菹擲馬諸不急戲宜一斷之翼荅曰今惟許其  
圍碁餘悉斷 增南史劉毅好擣菹宋武帝與毅斂局  
各得半積錢毅呼帝併之先擲得雉帝良久荅之擲得  
盧謂帝曰知公不以大坐席與人鄭鮮之大喜徒跣繞  
牀大叫毅甚不平曰此鄭君何為者無復甥舅之敬  
又曰宋武帝嘗與顏師伯擣菹帝擲得雉大悅師伯後

擲得盧帝失色師伯遽斂子曰幾作盧師伯爾日一輸  
百萬又曰宋明帝大會新亭樓擣菹李安民五擲皆  
盧帝大驚曰卿面方如田封侯相也宋書何尚之少  
時頗輕薄好擣菹既長折節蹈道以操立見稱通鑑  
綱目梁曹景宗與韋叡設錢二十萬官賭之景宗擲得  
雉叡徐擲得盧遽取一子反之曰異事遂作塞孔帖  
武后每燕集則二張諸武雜侍擣菹又曰張柬之云  
姚州官屬提挈子弟嘯引凶愚聚會菹博一擲累萬

唐詩所崔顥卞州人有俊才無士行好蒲博飲酒 宋

史李繼遷為亂命田仁朗與王侁等發邊兵擊之仁朗

部署已定欲示閒暇日縱酒擣蒲 明朱國禎大事記

張士誠之弟士信軍中載婦人樂器自隨日以擣蒲蹴

鞠為事諸將往往效之 列朝詩集李襲美豪蓋一世

令宛平政暇與諸姬擣蒲遊戲劉武庫黃裳作歌美之

擣蒲三

增露誠

遷怒

南史梁主蕭譽曾獻瑪瑙鍾周文帝執之顧丞郎曰能擣蒲頭得盧者便與

鍾經數人不得至薛端乃執擣蒲頭而言曰非為此鍾可貴但思露其誠耳擣之五子皆黑文帝即與之世說桓宣武與袁彥道擣蒲彥道齒不合遂厲色擣去五木溫太真曰見袁生遷怒知顏子為貴

解帶

奪裝

北史周文帝解所服金帶令諸人徧擣曰先得盧者即與之擣徧至王思政乃誓曰方願盡

心效命上報知已若此誠果實願擣為盧若內懷不盡神靈亦當明之便當殺身以謝即拔佩劍橫於膝上攬擣蒲擣之比太祖止之已成盧矣徐乃拜而受之晉書謝鯤厓殷殷好擣蒲奪其妹裝物以還戲債劉湛謂謝宏微曰謝氏累代財產充殷君一朝戲債卿視而不言譬棄物江海以為廉耳

爭錢 債

直搜神記會稽謝奉與永嘉太守郭伯猷善謝忽夢郭與人於淞江上爭擣蒲錢因為水神所責隨水而死天中記劉裕初名微位薄王謐獨奇貴之裕嘗與刁逵擣蒲不時輸直逵縛之馬柳謐責逵而代償由是裕

恨遠而德謚

賭園宅

招貨賄

晉書桓玄見人有好園宅悉欲取之勒以擣蒲而賭

之孔帖宗室巨兼河南尹其妃引蒲博少年分黨招貨賄

喚太尉

擢參軍

世說

溫嶠位未高時屢與揚州淮中估客擣蒲每輒不競嘗一過大輸物戲屈無因得返與太尉庾亮友善嶠於舫中大喚庾亮卿可贖我庾即送直溫得還孔帖楊國忠嗜飲博從父元琰死蜀州國忠往視裒其貲至成都擣蒲一日費輒盡乃亡去比至京師諸楊日為稱譽言國忠善擣蒲玄宗引見擢右金吾兵曹參軍列

二關 斲五木

王采 畹采 貴采 雜采

五木經王采四畹采六

下見擣

管中窺豹

亭前照犬

事文類聚王子敬數歲時嘗看諸門生擣

敬曰南風不競門生曰此郎亦管中窺豹時見一班子敬瞪目曰遠慙荀奉倩近愧劉真長遂拂衣而去抱



朴子林慮山中有一亭其中多鬼有王伯夷過宿而坐  
誦經夜有十餘人與伯夷對坐自持擣菹伯夷蜜以鏡  
照之乃  
**會凝暉殿** **製華萼樓**  
南宋劉義慶大業雜記大駕出揚子幸臨

羣犬也  
江宮大會賜百條赤錢於凝暉殿菹戲為樂 唐鄭棨  
傳信記上於東都起五王宅於上都製華萼相輝之樓  
上與諸王會集或講經義  
論理道間以球獵菹博  
馬則犀象 枰惟蜀旃

實小道之上流 乃深閨之雅戲 貽諸好事不難破  
業廢身 求所用心何如折節向道

### 擣菹四

增鬼作五木  
異苑潁川宋寂元嘉中晝忽見一足鬼長三尺遂為寂驅使欲與鄰人擣菹而無五

木鬼乃取刀斫庭中楊枝於戶間作之即燒灼黑白雖分明但朴耳

十擲輒捷

南史或謂卞彬

曰卿都不持操何由得升彬曰擲五

仕宦塗

鄭都官詩能消

木子十擲輒捷豈復是擲子之拙

永日是擄蒲坑塹由來是宦塗蓋擄蒲所

終身不戲

難者在於過關以前後為坑塹畏墜落耳

江甦別傳甦年十歲學擄蒲祖母為說往事有以

軍

博奕破業廢身者於是即棄五子終身不為戲

中為樂

唐書李大宜在軍中不治事與其將士擄蒲飲酒彈箜篌琵琶為樂而士米糲不饜

張

泊切諫

宋史李煜子仲寓雅好蒲博飲宴張泊切諫之仲寓謝過復數月人有言仲寓蒲博如故泊遂

與之絕

擄蒲五

增詩唐岑參詩曰美人一雙閒且都朱唇翠睂映明矚  
可憐絕勝秦羅敷使君五馬漫踟躕野草繡窠紫羅襦  
紅牙縷馬對撈菰玉盤纖手撒作盧衆中誇道不曾輸  
又送費子歸武昌詩曰知君開館常愛客撈菰百金  
每一擲平生有錢將與人江山故園空四壁吾觀費子  
毛骨奇廣睂大口仍赤鬚看君失路尚如此人生富貴  
那得知 韋應物詩曰朝持撈菰局暮竊東鄰姬司隸  
不敢捕立在白玉墀 宋薛季宣撈菰詩曰一局閒尋

五木經掇臬盧白意冥冥未能後擲如前擲將奈長亭  
又短亭

增歌明劉黃裳搏菰歌曰龍女誦經香飯畢長安放衙  
初岸幘桃笙幔展燕寢春試下紅衫輕一擲綠雲點點  
玳梁間海燕翩翩對遠山仙人好博雷翻掌玉女投壺  
電解顏揶揄笑口如飛雪黃鸝二月爭調舌別有呼盧  
調轉高一聲鳳叫青天裂風搖花片滿瑤窗鬱金醺酒  
泛璫缸雲母屏前憐箇箇水晶簾下愛雙雙一枝濃李

倚銀盤纖纖新笋擊琅玕已解疾馳誇女俠故將遲局  
媚郎官醉後雙鸞挂海野櫻唇唾出胭脂馬偷得籌來  
竊玉符奪將梟去驚銅瓦折腰塵淨館娃前畫睂人在  
章臺下擣罷么麼性轉靈不彈寶瑟向君聽仙郎帶酒  
朝天去還誦如來般若經

原賦後漢馬融擣菹賦曰昔有元通先生遊於京都道  
德既備好此擣菹伯陽入戎以此消憂枰則素旃紫蜀  
出乎西鄰緣以續繡紵以綺文杯則搖木之幹出自崑

山矢則藍田之石卞和所攻含精玉潤不細不洪馬則  
玄犀象牙是磋是礪杯為上將木為君副齒為號令馬  
為翼距籌為策勲矢法卒數於是芬葩貴戚公侯之儔  
坐華榱之高殿臨激水之清流排五木散九齒勒良馬  
取道里是以戰無常勝時有逼逐臨敵攘圍事在將帥  
見利電發紛綸滂沸精誠一叫十盧九雉磊落蹀躞并  
來猥至先名所射應聲紛續勝者欣悅負者沈悴 增  
唐薛恁戲擣蒲頭賦曰在衆藝兮所尚伊擣蒲兮自久

招邯鄲少年命諸葛新友分曹列席促尊舉酒猶賢博  
奕將取適於解頤乃貴先鳴故決爭於遊手終日莫閑  
連宵戰酣不拔其旗且背城而借一并兼是視豈分土  
之惟三瞋目賈勇危冠競貪鑒座中之奔北為席上之  
司南然用之斯行舍之斯去老氏以訓人立範莊生以  
亡羊是舉佐歡有則任物有敘既無我以推移每隨之  
以處所別有膏粱之子縉紳之客時為此物以代支策  
初一擬而純盧忽連呼而成白相顧則笑泯然無隙請

傾耳側目看後來之一擲

增文唐李翱五木經曰擣蒲五木元白判厥二作雉背  
雉作牛王采四盧白雉犢畋采六開塞塔禿擣梟全為  
王駁為畋皆元曰盧厥筴十六皆白曰白厥筴八雉二  
元三曰雉厥筴十四牛三白三曰犢厥筴十雉一牛二  
白三曰開厥筴十二雉如開厥餘皆元曰塞厥筴十一  
雉白各二元一曰塔厥筴五牛元各二白一曰禿厥筴  
四白三元二曰擣厥筴三白二元三曰梟厥筴二矢百



有二十設闕二間矢為三馬筴二十厥色五凡擊馬及王采皆又投馬出初闕疊行非王采不出闕不越坑入坑有謫行不擇筴馬一矢為坑

### 投壺一

原禮記投壺之禮主人奉矢司射奉中使人執壺主人

請曰某有枉矢哨壺請以樂賓

燕飲升座主人乃請投壺也枉矢不正貌

又曰進即兩楹間

言將有事於此

退反位揖賓就筵

欲與偕進明為偶也

設中東面執八筴興請賓曰順投為入比投不釋勝飲

不勝者正爵既行請為勝者立馬一馬從二馬三馬既

立請慶多馬

馬勝箕者

命弦者奏貍首

弦鼓瑟者貍首詩篇名

又曰

左右告矢具請拾投

拾更也

有人者則司射坐而釋一箕

馬賓黨於右主黨於左命酌曰請行觴當飲者皆跪奉

觴曰賜灌

灌飲也當飲謂不勝者

勝者跪曰敬養

又曰箕多少

視其坐

坐人多少四矢則四箕

籌室中五扶堂上七扶庭中九扶

籌矢也四指曰扶

壺中實小豆焉為其矢之躍而出也壺去席

二矢半矢以柘若棘毋去其皮魯令弟子辭毋幪毋

教母偕立母踰言偕立踰言有常爵 薛令弟子辭母  
幙母教母偕立母踰言若是者浮 增禮記疏投壺有  
三處日中則於室日晚則於堂太晚則於庭中各隨光  
明故也 禮司射執筭左右卒投請數二筭為純一筭  
為奇遂以奇筭告曰某賢於某若干純奇則曰奇鈞則  
曰左右鈞 注純全也二筭合為一全奇隻也不滿純者  
賢勝也勝者若有雙數則云若干純假令十  
筭則云五純九筭則曰九奇鈞則曰左  
右鈞猶等也等則左右各執一筭以告 顏氏家訓投

壺之技近世愈精古者實豆今惟欲其驍益多益善乃

有倚竿帶劍狼壺豹尾龍首之名其尤妙者有蓮花駢  
藝經投壺法十二籌以象十二月之數 太平御覽  
謂之投壺者取名循數漸而轉易鑄金代焉 又曰古  
者投壺擊鼓為節 唐文粹孫逖伯樂川記云笑投壺  
之失辭 正字通投壺禮諸侯大夫士皆有之壺頸修  
七寸腹修五寸口徑二寸半容斗五升 詩所駢壺隋  
煬帝所製以為投壺樂也

投壺二

原東觀漢記祭遵薨博士范升上疏曰遵為將軍取士  
皆用儒術對酒娛樂必雅歌投壺又建為孔子立後奏  
置五經大夫雖在軍旅不忘俎豆 增獻帝春秋表紹  
聞魏郡兵反與黑山賊等數萬人共覆鄴引滿投壺言  
笑自若 原魏畧邯鄲淳字元淑作投壺賦千餘言奏  
之文帝以為工賜帛千疋 何劭王弼傳弼性和理樂  
遊宴解音律善投壺 神仙傳玉女投壺天為之笑  
增宋劉敬叔異苑晉清河陸機初入洛次河南之偃師

時久結陰望道左若有民居因往投宿見一年少神姿  
端遠置易投壺與機言論妙得元微既曉便去問逆旅  
嫗嫗曰此東數十里無村落止有山陽王家塚爾機乃  
怪悵還睇昨路空野霾雲拱木蔽日方知昨所遇者信  
王弼也 顏氏家訓汝南周瑣會稽賀徽並能一箭四  
十餘驍賀又常為小障置壺其外隔障投之無所失也  
至鄴以來亦見廣寧蘭陵諸王有此校具舉國遂無投  
得一驍者 南史齊竟陵王常宿宴明日將朝見柳惲

投壺駢不絕停輿久之進見遂晚齊武帝遲之王以實

對武帝復使為之賜絹二十疋 唐書高麗俗喜奕投

壺蹴鞠 唐劉肅大唐新語盧藏用博學工文章善草

隸投壺彈琴莫不盡妙 唐詩所薛春惑善投壺背後

執矢投之龍躍隼飛百發百中 孔帖裴寬工投壺

宋歐陽脩歸田錄楊大年每遇作文則與門人賓客飲

博投壺而不妨構思揮翰如飛文不加點 元史碩裕

實哈雅襲父官鎮永州御軍極嚴猛稍暇輒投壺雅歌

意所暢適不為形跡所拘

投壺三

原自娛

矯懈

魏畧遊楚好投壺自娛晉傳元投壺賦序投壺者所以矯懈而正心也

注心閉目

魏王粲賦序夫注心銳志自求諸身投壺是也晉陽秋王胡之善於投壺言手熟

閉目還矢隔屏

西京雜記武帝時郭舍人善投壺以竹為矢不用棘古之投壺取中而不

求還故實小豆惡其矢躍而出也郭舍人則激矢令還一矢百餘反語之為驍言其博之堅於輩中為驍傑每

為武帝投壺輒賜金帛

晉書

擁矢

擢馬

禮侍投則擁矢

勝則洗而以請客亦如之注侍長者投壺擁矢致敬也勝則洗爵請行觴不敢直飲客亦洗而請也又云不



角不擢馬注角觥也於尊長不行罰觥如獻酬之禮擢徹也於長者不去馬嫌勝也

### 增講藝

勸功

禮記注投壺者主人與客燕飲講論才藝之禮也投壺新格舊圖初箭一籌其次每箭加二籌盡

四箭而止甚非勸功之道

歌詩

奏樂

投壺儀節絃者歌詩擊磬擊鼓又曰司射立馬贊

者送天命

敘先後

循始終

李尤壺籌銘投壺籌禮揖敘先後投壺儀節

詩歌五終一終為一節先歌一節以聽再歌一節始投循歌聲之終鼓聲之始而發矢賓主迭發一矢四節盡

四矢乃卒

窮日夜

起風雨

韓愈鄭僊碑與賓客朋遊投壺博奕窮日夜若

投數箕

樂而不厭者

李白詩帝前投壺多玉

女三時三笑開電光倏燦晦明起風雨

飲少箕

慶

多馬

崔晏傳善投壺者皆以多箕飲少箕下見投壺一

歌白駒賭青龍

按大

戴禮投壺雅歌採白駒騶虞諸篇 下見後曹唐詩

原有酒有肉 魯鼓薛鼓

左傳晉侯與齊侯投壺晉侯先曰有酒如淮有肉如坻寡人中此為諸侯師中之齊侯曰有酒如澠有肉如陵寡人中此與君代興亦中之 禮記注言舉各有節鼓節取半以上為投壺禮盡用之為射禮 主人

有儀 弟子無教 既備主儀 以崇賓禮 賓主之

歡 禮樂之節 初筵有踐 正爵既行 奠惟視坐

矢以拾投 魯薛之令 齊晉之君 勝而慶馬

樂則歌狸 增上官著經 司馬更格

孔帖上官儀著投壺經一卷

澠水燕談錄司馬溫公既居洛每對客賦詩談文或投壺以娛賓公以舊格不合禮意乃為更定新格

偶爾中耳 幾乎敗壺

聞見錄邵康節赴河南尹李君錫會投壺君錫奉箭中耳君錫

曰偶爾中耳康節應聲曰幾乎敗壺坐客以為的對

一馬二馬

五扶七扶

投壺

儀節行慶禮注若勝者得二馬劣者得一馬從二馬禮記疏四指曰扶扶廣四寸五扶者二尺也七扶者二尺八寸也九扶者三尺六寸也雖矢有長短而度壺皆去賓主之席各二矢半也室中去席五尺堂上則去席七尺庭中則去席九尺也

主人奉矢 酌者

行觴 儀節從容

神姿端遠

合朋友之好

飾賓

主之歡 原主三請以執壺 賓再拜而授矢 嘉賓

投矢既即兩楹 司射度壺爰陳八箕 為勝者立馬

而慶多 當飲者賜灌而敬養 展再拜之儀盤旋而  
避 備三辭之禮揖讓而升 增古禮斯存聊注目而  
銳念 雅歌不廢爰養志以游神 別創驍壺帝子度  
清商之曲 仍歌泐拾聖人崇揖讓之文

投壺四

增詩唐曹唐詩曰北斗西風吹白榆穆公相笑夜投壺  
花前玉女來相問賭得青龍許贖無 明丘濬投壺詩  
曰玳瑁筵開宴玉樓哨壺枉矢請相投力期一中端倪

巧語重三辭禮數優罰盞飲來分勝負倚竿飛處迭賡  
酬山翁不管淹淹醉只倚銀瓶謾數籌

原歌古歌上金殿著玉尊延貴客入金門入金門上金  
堂東廚具肴饌椎牛烹豬羊主人前進酒琵琶為清商  
投壺對彈碁博奕並復行 增梁失名氏華山畿樂府夜  
相思投壺不停箭憶歡作嬌時

原賦魏邯鄲淳投壺賦曰古者諸侯間於天子之事則  
相朝也以正班爵講禮獻功於是乃崇其威儀恪其容

貌繁登降之節盛揖拜之數凡設而弗倚酒澄而弗舉  
肅肅濟濟其惟敬焉敬不可久禮成於飫乃設大射否  
則投壺植茲華壺鳧氏所鑄厥高二尺盤腹修頸飾以  
金銀文以雕鏤象物必具距筵七尺傑焉植駐矢維二  
四或柘或棘豐本纖末調勁且直執竿奉中司射是職  
曾孫侯氏與之皆得然後觀夫投者之閒習察妙巧之  
所極絡繹聯翩爰爰兔發翻翻隼集不盈不縮應壺順  
入何其善也每投不空四矢退効既入躍出荏苒偃仰

僂俛趨下餘勢振掉又足樂也擬議於此命中於彼動  
之如志靡有違也譬諸為政羣職罔弛左右畢投効奇  
數鈞列置功竿稱善告賢三載考績幽明始分也比投  
不釋增是自遂雖往有功義所不貴春秋貶翬亦猶是  
類也若乃撮矢作驕累掇連取一往納二巧無與耦斯  
乃絕倫之才尤異之技者也柯列葩布匪罕匪綢雖就  
置猶弗然矧迴絕之所投惟茲巧之妙麗亦希世之寡  
儔調心術於混溟適容體於便安紛縱奇於施舍顯必

中以微觀悅與坐之耳目樂衆心而不倦瓌瑋百變烏可窮讚

增序宋司馬光投壺新格序曰夫投壺細事遊戲之類而聖人取之以為禮用諸鄉黨用諸邦國其何故哉鄭康成曰投壺射之細也古之君子射以觀德為其心平體正端壹審固然後能中故也蓋投壺亦猶是矣夫審度於此而取中於彼仁道存焉疑畏則疎惰慢則失義方象焉左右前却過分則差中庸著焉得一失二成功



盡棄誠慎明焉是故投壺可以治心可以修身可以為國可以觀人何以言之夫投壺者不失之過亦不失之不及所以為中也不失之偏頗流散所以為正也中正道之根柢也觀夫臨壺發矢之際性無麤密莫不聳然恭謹志存中正雖不能久可以習焉豈非治心之道與一矢之失猶一行之虧也豈非修身之道乎兢兢業業慎終如始豈非為國之道歟君子之為之也確然不動其心儼然不改其容未得之而不懼既得之而不驕小

人之為之也俯身引臂挾巧取奇苟得而無媿豈非觀  
人之道歟由是言之聖人取以為禮宜矣古者壺矢之  
制揖讓之容今雖闕焉然其遺風餘象猶彷彿也世傳  
投壺格圖皆以奇雋難得者為右是亦投瓊探闔之類  
耳非古禮之本意也予今更立新格增損舊圖以精密  
者為右偶中者為下使夫用機微倖者無所措其手焉  
增銘明何景明投壺銘曰直爾躬發爾矢雖不中不遠  
矣袁九齡壺矢銘曰矢肇柘棘禮射所沿慶馬歌狸

侑樂賓筵淮澠作酒齊晉相先玉女石妓巧鬪嬋娟

石崇

妓善隔  
壁投

累掇連取曹偶夤然倪老善削豐本銳前東南

竹箭美亦具焉宜配鳧壺雅歌盤旋君才元淑賦言百

千

卽鄴淳字元淑  
賦投壺千言

青門拍板音以節宣妙製一手奇會

兩全為物雖貌借君永傳

御定淵鑑類函卷三百三十